

MEJE PO DIBORO JUAN TINA XUA YABARA TSIWANAYA TSITA ITUTATSI POCOTSIWA EXANAENA PO CAE PIN NACUATHE

**Meje yabara po diwesi pocotsiwan xua Jesucristo Paxa
tsita itutatsi xua pocotsiwan xuya Juan tsita itutatsi**

1 ¹Barapo diboroje xan Juan tinan. Pocotsiwan yabara tinan xua Nacom Jesucristo tsita itutatsi. Bara pocotsiwan Jesucristo xuya pijimonaetha tsiwanaeya tsita ituta pocotsiwan xua imoxoyo bara exanaenaba. Jesucristo pia matatsunpin inta itoroba xua xan Juan xuya tatsita itutsinexa daxita baxuan xua imoxoyo bara exanaenaba. ²Daxota xan xuya xainwaichiya yabara tinan daxita xua pocotsiwa tan. Matautano tinanno xua jume tan xua Nacom paeba iruno xua Jesucristo paeba.

³Pon xua yorobina jiwitha po diwese pomonaetha pomonae Nacom pejume cowantsiwichi tatsi, bapon juntu coyene weiweina exanaeinchi xua Nacom juntu coyene weiweina exanaena. Iruno pomonae jume tane barapo diwese yawano xua exanano xua pepaebixae barapo diwese, barapomonae juntu coyene weiweina exanaeinchiru. Daxota barapomonae juntu coyene weiweina tsipei baxuan imoxoyo exanaenaba.

**Meje yabara xua Juan tatina pomonae pejume cowantsiwi,
pomonaе siete po matabuxumonaеbe, pomonaе
nacaetuta xua Nacom wunaе pejainchinexatsi**

⁴Xan, Juan, pacata tinatsi pomonae painya nejume cowantsiwi pam pomonae siete po matabuxumonaеbe pam xua painya nenacaetutsi jiwi pam, xua wunaе painya nejainchinexa Nacom. Paxam pomonae Asia nacuatha pajinompame. Paca tsipaebatsi xua Nacom anoxuae popona

yawa caena bayatha popona yawa bexa ataya poponaena. Pacata wúcatsi Nacomtha xua painya nepaca jüntü coyene weiweina exanaenexa tsane. Yawa pacata wúcatsi xua Nacom paca yawenaena pia painya nepaca caantobexae. Yawa pacata wúcatsi Nacom pia Pejumope tñaxü tatsi beya xua bapon baxuan pacata exanaena tsipei Nacom pia Pejumope tñaxü tatsi siete po pexeinya jüntü coyenebe pexeinaein. Barapo Pejumope tñaxü Nacom peitabaratha tauncuatsi ichaxota Nacom eca pia pexeinya peecaethopaewatha. ⁵Yawano pacata wúcatsi Jesucristotha xua bapon baxuan pacata exanaena. Barapon Jesucristo ataya xaniwaicha pepaebin. Bapon copiya equeicha asü naexana. Bapon asü canamata canaexana jiwi petüpaey coyene weya. Yawa bapon itoroba pomonaetha pomonae itorobiya pepa peewatsiwi ichamonae po cae pin nacuathe. Cristo naca antobe daxota naca tsitüpa naetotha wanaca jüntü coyene jüntemainaenexa abe waexanae cuiru coyenewan. ⁶Matautano Jesucristo naca exana xua piamonae tatsichi. Yawano sacerdotemonae naca cana exana watanacuichinexa tsainchi Nacom, pon Jesucristo Paxa tatsi. ¡Barabü Nacom ataya xeinaena xua pexeinya jüntü coyene xua peainya cui coyenewa! ¡Yawano barabü Nacom ataya xeinaena xua pia peayapusü itorobi coyenewa! Je, bara ichi tsane.

⁷ ¡Matha pataema!

Cristo patopeicaena tsaquinaebowatha.

Daxita jiwi taena bapon
xua bapon taeinchi.

Irürü pomonae bapon cobe matatabarutatsi
naetotha bapon taeinchi.

Daxita nacuanpiwi, pomonae bapon jopa jume
cowantichi, daxita barapomonae jüntü coyene
wecoyei tsane poxonae bapon taeinchi.

Je bara ichi tsane.

⁸Nacom jeye: “Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Nacom pon jiwi Pecanamataxeinaein, pon itoroba pia peayapusü itorobi coyenewatha daxita nacuanmonae jiwitha. Bapon Nacom anoxuae popona, caena bayatha popona, yawa bexa tsane ataya poponaena.

**Meje yabara poxonae Cristo pia peitüpanae tsita
itütsi coyenewatha tatsi Juan tsita itütatsi**

⁹Xan Juan ponxaein be pon painya eweicho nanatsicotan Jesús pijimonaexaetsi. Icha jiwi paca ichi xua paca anthüthürewewe exana xua poxonae jopa xapain pacata exanaeyo, anoxuae bara neichi. Jiwi anthüthürewewe neexana tsipei waxainchi Nacom piamonaetsi jiwantsi

pomonae Nacom itorobiya ewata. Tsipei Jesucristo paca yawena daxota cataunxuae pajume cowanta dubenanaebiyame Nacom, iru xandu barichin. Jiwi pecubi botha Patmos tunaetotha neeta tapaebixae Nacom Pejume Diwesi yawano Jesús pejume diwesino tapaebixae. ¹⁰Caentaqueitha, po mataqueitha peseicae mataqueitha bichocono Nacom pia Pejumope tunaxu tatsi nejuntu coyene yuca exana. Tauma werena jume tan pejume xua bichocono jume daunweya ajumetsaca be poxonae icha xua oba po peobiwa pewun trompeta. ¹¹Nejei xua netsipaeba: “Xam yabara tinare diborotha daxita xua taneme. Barapo diboro bapoxonae caitorobare pomonaetha pomonae tana nejume cowantsiwitha pomonae siete po matabuxumonaebe pomonae nacaetuta xua Nacom wanae pejainchinexatsi. Barapomonae jinompa Asia nacuatha. Barapo siete po matabuxumonaebe nacaetuta barompaya pia tomarantha tsiniya. Barapomonae meje: Efeso tomarapiwi, iru Esmirna tomarapiwi, iru Pergamo tomarapiwi, iru Tiatira tomarapiwi, iru Sardis tomarapiwi, iru Filadelfia tomarapiwi, iru Laodicea tomarapiwi”, nejei Jesucristo.

¹²Bapoxonae napatomeicha necotaban tayaputaenexa pon xua netsipaeba. Poxonae necoyan bapoxonae tan siete xoyobe penainwan xua po nain pewun oro nain xua pentatutuntha itanacanoba. ¹³Barapo siete xoyobe xua ichaxota pentatutuntha itanacanoba baxoyo pia xainya deca pon be pebin taenotan. Pon uncua apara ponxae itaboco wetsica pona, pon Nacom itapeta. Bapon naxatata paparuwa, po paparuwa apiya deca bichocono yawa taxu jayarecatsi. Yawa naepa cuta paparuwa po paparuwa bichocono pereca yawa juntacari jayatsinatsi yawa bichocono daedaena icha be oro nain ichi. ¹⁴Pentanan tatsi bichocono inyapana icha be papu ichi, yawa icha be main axuto ichi. Yawano peitamaiqueitobe be isoto itareto. ¹⁵Petaxu bichocono taxu daedaena icha be bronze nainto ichi xua bichocono nain daedaena poxonae cataunxuae isototha nain boquiya. Pejume bichocono ajumetsa be poxonae xua ainya menein busin. ¹⁶Pemaxu coxa iya xeina siete po opiteitobe. Yawa pecoiboto tsina pichapeina cusi xua nantiya baru ducuabe. Peitabara bichocono daedaena icha be poxonae xometo ichi poxonae xua pentha xua poxonae atsa.

¹⁷Poxonae bapon Jesucristo tan, imoxoyo iratha nabotaban bapon peitabaratha. Bara be tatupaeyo nabotaban. Bapoxonae bapon pecobetha nejayaba po cobe pecoxa weya. Yawa Jesucristo nejei: “Jopa junuwinde. Xan ponxaein xua daxita taforotsin xua poxonae aena. Yawano xan ponxaein xua tawetsin tsane daxita xua bexa tsane. ¹⁸Xan ponxaein xua copiya bayatha tapoponaein. Bequein bayatha tupan ichitha equeicha anoxuae asu poponan xua ataya petsitecaenexa. Nacom necata taitorobi coyenewa xua petupaewi taitorobeibinexa petupae coyene nacua beya. ¹⁹Daxota yabara tinare xuaunxuae pocotsiwa taneme. Yawano yabara tinare xua aunxuae taeponaename. ²⁰Barapo siete opiteitobe

xua taneme tacobe coxa weya yabara caunutatsi xua pomonae Nacom Pejume Diwesi pepaebiwi, pomonae Nacom pejume cowũntsiwichi pecanamataxeinaewichi. Yawa barapo siete xoyobe xua pentatutuntha itanacanoba xua baxoyo pia xainya deca uncuan baxua yabara caunutatsi pomonae siete po tomarabe matabuxu jiwi, pomonae Nacom pejume cowũntsiwichi”, jei Jesucristo pon xua uncua.

Meje yabara xua po diwesi Juan tatina Efeso tomarapiwi

2 ¹Jesucristo, pon xua uncua nejei: “Tatinare pon Nacom Pejume Diwesi pepaebin pomonaetha tana nejume cowũntsiwi pomonae Efeso tomaramonae xua bapon petayorobinexa xua barapomonae petayorobinexatsi. Jande: ‘Meje xua paeba pon pecobe coxa weya tatsi siete po opiteitobe tauncuatsi xuano xua uncua siete xoyobe pia xainya deca xua ichaxota pentatutuntha itanacanoba. ²Bapon jeye: Yaputan xua painta exaname po penacuichiwa xua daunwei xua jopa pabarapentsim. Yawano paca cui yaputainchi xua paaichaxaibim xua exana pomonae peajũntũcoyenebewi. Yawano bara yaputan xua jopa paca itata cui xainyei tsaibiyo poxonae xua ichamonae atsaquiya paca jei: Paxan Jesús pia peitorobiwi tatsi pan, jei. Bara paxam payaputaneme xua barapomonae pemuxitorobiwi. ³Beta pana najũntũ wũnaetame. Mataũta jopa paacoyenefaetabim, bequein ichamonae bichocono abe paca exana painya inta nacuichixaem. ⁴Ichitha paca cui yaputainchi xua cae coyene paexaname xua po coyene aichaxaibin. Anoxuae be conotha pana neantobem. Jopa be ichiyo poxonae copiya matha pana neantobem nawita. ⁵Payabara nanta xeinare xua poxonae copiya pana nejume cowũntame xua poxonae bichocono pana neantobem. Icha jũntũ coyene paxeinare. Painta exanare icha paichim xua poxonae matha copiya beta painta exaname. Icha jopa pana neantobem tsane, nainya patopaein, yawa pichin painyawa xua pocotsiwa ichaxota pentatutuntha paitanacanobame, xua pichin painya tomara weya. Apará xua jan, daxita painya nenacaetutsi jiwi pam pana nenepentaponaename xua pata tana nejume cowũntsiwam xua daxota jopa pana nejume cowũntsim tsane jan. ⁶Daichitha cae coyenewa ichichipan xua paexaname. Jũntũ coyene weiweinan tsipei pananta xeiname icha ichin xua pocotsiwa nanta xeinan. Paxam paaichaxaibim pocotsiwa nicolaitamonae xua exana, pomonae bichocono abe peexanaewi. Xan irũrũ aichaxaibin xua pocotsiwa exana barapomonae. ⁷Paxam pomonae painya nejume cowũntsi jiwi pam. Icha pamuxu dubename, pajume naitaeware xua pocotsiwa Nacom pia Pejumope tũnaxũ tatsi paca tsipaeba. Bapon jeye: Pomonae xua Jesucristo jume cowũnta dubenanaebiyaeinchi beya xua yacuiya werapaeya othopaena barapomonae catsin Nacom pia peitorobi nacua beicha peajũntũyapusũwa, po peajũntũyapusũwa xua

jopa weraweracaeyo, jei Nacom pia Pejumope t̄nax̄ tatsi, jei Nacom Pexanto', jande", nejei Jesucristo pon xua uncua barapo siete xoyobe xua pentatutuntha itanacanoba xua baxoyo pia xainya deca tatsi.

Meje yabara po diwesi Juan tatina Esmirna tomarapiwi

⁸Pon Jesucristo xua uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cow̄ntsiwi pomonae Esmirna tomaramonae, xua bapon petayorobinexa xua barapomonae petayorobinexatsi. Jande: 'Meje xua paeba pon xua daxita forota poxonae aena. Yawano bapon daxita wetsina xua bexa tsane. Bequein bapon bayatha t̄pa ichitha equeicha as̄u popona xua ataya tsitecaeya tsane. ⁹Bapon jeye: Yaputan daxita xua pocotsiwan paexaname. Bara paca tainchi xua paanth̄th̄tanem poxonae xua ichamonae pacata abe exana. Bequein paca tainchi xua paacopeibim ichitha apara bara paxeinaename pocotsiwa bexa Nacom paca catsibina. Daxota paxam be copei pexeinae jiwi pam. Yaputan pomonae atsaquiya najei: Paxan judiomonae pan, jei. Barapomonae abe paca yabara paeba. Daichitha barapomonae ̄ caurimonae pia pentacaponaein tatsi bapon piamonae tatsi. ¹⁰Jopa pajunuwinde xua pocotsiwa ichamonae paca anth̄th̄tane exanaena xua tsipei pacata abe exanaena. Caurimonae pia pentacaponaein tatsi itorobina ich̄ntha xua piraichi paca jiwana capanaena jiwi pecubi bo beya xua daxota daxita paxam painya nenacui barapentsiwa tsane xua painya nejume cow̄ntsiwa Nacom. Paxam paanth̄th̄tanem tsane diez po matabibibe. Daichitha pana naj̄nt̄ coyene daunweya w̄naere beya poxonae payacuiya werapaeya othopaename. Bapoxonae paxam paca catsibinchi xua be pentoma xua peant̄yapus̄wa po peant̄yapus̄wa xua jopa weraweracaeyo. ¹¹Paxam pomonae painya nejume cow̄ntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t̄nax̄ tatsi paca tsipaeba. Bapon jeye: Pomonae xua Jesucristo jume cow̄nta dubenanaebiyaeinchi beya xua yacui werapaeya othopaena, Nacom jopa copatsi tsane xua barapomonae equeicha jopa ateneya werapae tsane, jei Nacom pia Pejumope t̄nax̄ tatsi, jei Nacom Pexanto', jande", nejei Jesucristo pon xua uncua.

Meje yabara xua po diwesi Juan tatina Pérgamo tomarapiwi

¹²Pon Jesucristo xua uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cow̄ntsiwi pomonae Pérgamo tomaramonae xua barapon petayorobinexa xua barapomonae peyorobinexatsi. Jande: 'Meje xua paeba pon pecoboto tsina tapichapeinatsi cusi po wato nantiya bar̄ ducuabe. ¹³Bapon jeye: Bara yaputan xua daxita paexaname. Yawano yaputan xua

painompame ichaxota caurimonae pia pentacaponaein tatsi itorobeiba xua barapo tomarapiwi itorobeibatsi. Daichitha awiya pana nejume cowanta dubenanaebiyame. Jopa pabarapentsinde xua pata tana nejume cowantsiwam. Antipas bichocono nejume cowanta. Bequein bapon bexotsi painya xantha, daichitha awiya pana nejume cowanta dubenanaebiyame. Pomonae barapo tomaratha jinompa pomonae xua caurimonae pia pentacaponaein tatsi itorobeiba barapomonae Antipas bexotsi. ¹⁴Daichitha paca cui yaputainchi xua icha coyenein paexaname, po coyenein xua jopa ichichipaeinyo. Paxeiname Pérgamo tomaratha pomonae xua painyamonae jiwana, pomonae barichi xua abe exana xua daxota jopa ichichipaeyo xua pepentsiwa xua pecuidubiwa pocotsiwa Balaam pia pecuidubi coyenewa tatsi. Bapon Balaam cuiduba, Balac cuidubatsi xua xuya Balac pecuidubinexa xua israelmonae pecuidubinexatsi xua israelmonae abe peexanaenexa. Po peabe coyene Balac cuiduba xua pinae israelmonae itacupatsi xua xane duwein po duwein poxonae bexuba ibo nacom nexa. Yawano Balac cuiduba xua pinae barapo israelmonae jopa abe exanaeyo poxonae nata siwa xeina dubenanaebiya yabuxi. ¹⁵Barichi pomonae painyamonae jiwana pomonae abe exana, barapomonae ichichipa po pecuidubiwa pocotsiwa nicolaitamonae pia pecuidubi coyenewa tatsi. Barapo nicolaitamonae pia pecuidubi coyenewa tatsi bichocono aichaxaibin. ¹⁶Daxota icha juntu coyene paxeinare. Icha jopa icha juntu coyene paxeinaem, nainya jemeicha baxota patopaein yawa paca beinchi cusitha, po watotha xua tacoiboto pichapeina. ¹⁷Paxam pomonae painya nejume cowantsi jiw pam. Icha pamuxu dubename, moya pajume naitaeware xua pocotsiwa Nacom pia Pejumope tuxaxu tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacui werapaeya othopaena, barapomonae catsin po pexaewa pewun maná, po pexaewa namicha boca xua ichamonae jopa yabara yaputaeyo. Yawa barapomonae catsin iboto, po iboto inyapana, barapo ibototha tinaena pena wun xua ichamonae jopa wun taeyo. Saya meisa wun yaputaena pon xua catsin barapo iboto, jei Nacom pia Pejumope tuxaxu tatsi, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Tiatira tomarapiwi

¹⁸Jesucristo pon uncua equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Tiatira tomaramonae xua bapon petayorobinexa xua barapomonae petayorobinexatsi. Jande: ‘Meje xua paeba Nacom Pexanto tatsi, pon peitamaiqueitobetha be isoto itareto tarucuatsi. Yawano bapon bichocono taxu daedaena be penainto, pocotsi nainto pewun bronce. ¹⁹Bapon jeye: Yaputan daxita xua po coyene paexaname, yawano yaputan xua

paxam pana neantobem. Yawano yaputan pocotsiwa painya tana nejume cowuntsiwam. Yawano yaputan xua pocotsiwa payawenama ichamonae. Yawano yaputan xua saya beitatemaya jũntema painompame poxonae bequein ichamonae pacata abe exana. Yawano yaputan xua anoxuae nawita paexanaponaem beyacaincha xua poxonae copiya paexanama.

²⁰Daichitha paca cui yaputainchi xua pocotsiwa paexanama xua pocotsiwa aichaxaibin, xua jopa paitawetsim powa pewũn Jezabel. Powa jei: Nacom nexa tapaebiwayon, jei. Daichitha tana nejume cowuntsi jiwi muxuitorobatsi. Barapowa Jezabel tamonaem cuidubatsi xua bara nata siwa xeineibina yabaxi. Yawa bapowa cuidubano po coyene aichaxaibin xua tamonaem jain itorobatsi xua tamonaem xaena duwein, po duwein poxonae bexuba ibo nacom nexa. Barapo duwein jiwi cata ibo nacomtha poxonae wũnaem jainta pia ibo nacom.

²¹Caena bayatha ewatan xua bapowa icha jũntũ coyene pexeinaenema, ichitha bapowa baxua jopa beexanaeyo. Bapowa jopa juniya exanaeyo xua abe exanaponeiba.

²²Xan exanaein xua nainya bapowa atene tsanaya tsane, xua camatha pebocaenema, abe peexanaema. Irũrũ pomonaem xua bapowa abe nanabarũ exainchi barapomonaem atene tsane exanaein xua icha barapomonaem jopa naci barapentsi tsane pocotsiwa bapowa cuiduba.

²³Yawano bapowa pia pexui tatsi tajutebin. Bapoxonaem daxita pomonaem Nacom pejume cowuntsiwichi neyaputaena po coyene xua xan deta cou jiwi tanthũthũ yaputaem daxita xua poxonae exaneiba yawa daxita poxonae xua nanta xeineiba. Bapoxonaem daxita paxam barompaya paca catsibinchi be xua pentoma. Pomonaem xua xanepanaya paexanama, xua wũnaem paca catsibinchi. Pomonaem xua abe paexanama, xua peatenewa paca catsibinchi.

²⁴Paca tsipaebatsi daxita pam pomonaem Tiatira tomarapiwi jiwana pam, xua pomonaem jopa paexanaem pocotsiwa xua Jezabel paca cuiduba, saya ichamonae paxam jiwana pam, baxua exana. Paca tsipaebatsi pomonaem pam pomonaem jopa pananabarũ nacuidubim pocotsiwa caurimonaem pia pentacaponaein tatsi pia coyenewan tatsi. Tsipei jopa paexanaem barapo coyenewa daxota jopa paca itorobi tsainchi icha coyene xua painya neexanaewa tsane, po coyene bichocono ayapube.

²⁵Daichitha awiya pana nejume cowũnta dubenanaebiyama beya poxonae equeicha patopeicaein.

²⁶Awiya pajume cowũnta dubenanaebiyama Nacom painya amanayabinema tsane caurimonaem. Yawa awiya paexana dubenanaebiyama pocotsiwa xua xan ichichipan xua beya payacui werapaeya othopaenama. Pomonaem baxua exanaena, barapomonaem catsin taayapusũ itorobi coyenewa xua peitorobeibinema tsane po cae pin nacuathepiwi.

²⁷Paca catsibinchi taitorobi coyenewa icha Taxa neichi xua necata pia peitorobi coyenewa. Icha pebin ichi xua poxonae barapon daunweya wacataxuba juruwato penaintotha xua peexanaenema perũrũwixi, bara jũta ichi tsane pomonaem nejume cowũnta. Barapomonaem

daunweya itorobina barapo cae pin nacuathepiwi beya poxonae daxita weraweracaena abe peexanaexae. ²⁸Bapoxonae yawa paca catsibinchi po coyene xua tapaca baru poponaewatsi. Barapo coyene bichocono wūnae tsane, icha jarawato ichi xua jiwi bichocono tsita wūnaetsi poto mataquei pewūnaeya ecoina. ²⁹Paxam pomonae painya nejume cowūntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tūnaxū tatsi paca tsipaeba, jei Nacom Pexanto', jande", nejjei Jesús, pon xua uncua.

Meje yabara po diwesi Juan tatina Sardis tomarapiwi

3 ¹Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejjei: "Barichinde tatinare pon Nacom Pejume Diwesi pepaebin pomonaetha tana nejume cowūntsiwi pomonae Sardis tomaramonae xua bapon petayorobinexa xua barapomonae petayorobinexa. Jande: 'Meje xua paeba Jesucristo pon xua xeina siete po pexeinya jūntū coyenebe, po coyenebe xua Nacom pia Pejumope tūnaxū tatsi Jesucristo catatsi. Yawa bapon xeina siete po opiteitobe pecobe weya, po cobe pecoxa weya. Bapon jeye: Yaputan daxita xua paxam paexaname. Bequein jiwi paca yabara nanta xeina xua paxam painta beta exaname, daichitha apara jopa painta beta exanaem. Daxota paxam netsita be pomonae pewerapae jiwi pam. ²Pana najūntū coyene tsacabare. Payawende pomonae tana nejume cowūntsiwi xua pejūntū coyene wūnae nexa, tsipei barapomonae be pewerapaewi pejūntū coyene natsepaexae. Paca tainchi xua pocotsiwa paexaname. Baxua jopa Nacom tsita wūnaetsi. ³Daxota pananta xeinare xua pocotsiwa bayatha paca cuiduba. Bapoxonae bapocotsiwa paexande yawano bapoxonae icha jūntū coyene paxeinare Nacomtha xua equeicha caewa painya nejume cowūntsiwa tsane. Icha jopa baxua paexanaem tsane, bapoxonae nainya jemeicha patopaein paxamtha poxonae jopa payaputaem xua patopaein. Exanaein icha be pocotsin pon pecaibin ichi xua jemeicha patopa. ⁴Daichitha paxeiname barapo tomaratha, Sardis tomaratha, pomonae tana nejume cowūntsiwi. Barapomonae penthūthū xeicae jiwi. Jopa xeinaeyo po coyene xua peajūntūcoyenebewa tsipei jopa abe exanaeyo. Barapomonae nebaru jinompaena. Yawa nama xatabina paparuwan, po paparuwan inyapana tsipei barapomonae exana dubenanaebiya pocotsiwa xua itoroban. ⁵Pomonae xua nejume cowūnta dubenanaebiyaena xua beya yacui werapaeya othopaena barapomonae nama xatabina po paparuwan inyapana. Yawa pomonae wūn dubena Nacom pia diborotha xua pomonae ataya pejinompaenexa tsane xua jopa weraweracaeyo, barapomonae jopa wūn iquicaein tsane. Yawano wūn yaputane exanaein Taxa Nacomtha yawano Nacom pia matatsunpiwi tatsi peitabarathano. ⁶Paxam pomonae painya nejume cowūntsi jiwi pam. Icha

pamuxu dubename, moya pajume naitaeware xua pocotsiwa Nacom pia Pejumope t̃nax̃ t̃atsi paca tsipaeba, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Filadelfia tomarapiwi

⁷Equicha Jesucristo pon xua uncua nejei: "Barichinde tatinare pon Nacom Pejume Diwesi pepaebin pomonaetha tana nejume cow̃ntsiwi pomonae Filadelfia tomarapiwi xua bapon petayorobinexa xua barapomonae petayorobinexatsi. Jande: 'Nacom Pexanto t̃atsi, bapon bichocono pẽj̃nt̃̃ coyene xanepanaein Nacomtha xua jopa penatsicuentsiwa Nacomtha xua abe peexanaexae. Yawa bapon bara xaniwaicha pepaebin. Yawa bapon pon naca yawena xua patinchi Nacom pia peitorobi nacua beicha. Bapon naca yawenaena icha matha pon peboupa peewatsin ichi xua poxonae David yawenatsi. Bapon pon peboupa peewatsin David taewatatsi pia pexeinya peecaethopeibi bo t̃atsi. Bapon David pon caena bayatha Israel nacuamonae itorobiya pia pepa peewatsinchi. Bapon pon peboupa peewatsin pia peitorobi coyenewa xeina xua poxonae bapon peboupa saranaxuba ich̃ñ jopa itac̃paetsi xua peboupa xatataba. Yawa poxonae bapon peboupa xatataba ich̃ñ jopa itac̃paetsi xua saranaxuba. Icha bapon ichi, barichi Nacom Pexanto t̃atsi pia peitorobi coyenewa xeina. Bapon copata xua pijimonae t̃atsi patsina Nacom pia nacua beicha. Yawano jopa copatsiyo xua ichamonae patsina Nacom pia nacua t̃atsi beicha. Ich̃ñ jopa itac̃paetsi xua ichawa paeba Nacom Pexanto t̃atsi beya. Anoxuae nama Nacom Pexanto paca tsipaeba, jeye: ⁸Yaputan xua daxita paexaname. Xan copatan xua tajume diwesi pacaponame ichamonaetha. Ich̃ñ jopa itac̃paetsi xua paca jume itaweta xua daxota jopa painya necaponaewa barapo diwesi. Bequein saya tsiwiyo paaj̃nt̃̃cuicoyenesum, daichitha awiya tajume diwesi pacueicueijam yawa jopa pana nepentsim xua painya tana nejume cow̃ntsiwam. ⁹Ichitha pomonae naerabiya jei: Paxan, judiomonae pan, jei, barapomonae, Satanás, caurimonae pia pentacaponaein t̃atsi bapon piamonae t̃atsi t̃sipei jopa benejume cow̃ntsiyo. Xan exanaein xua barapomonae patsina paxamtha pentabocototha peumenaenexa tsane painya itabaratha w̃nae painya nepaca jainchinexa tsane. Bapoxonae barapomonae yaputaena xua xan tapaca caantobewichi pam. ¹⁰Pajume cow̃ntsiya exana dubenanaebiyama po coyene xua paca itorobatsi xua beitatemaya painompame xua jopa painya neaitaconaewa poxonae bequein ichamonae paca yabara abe exana. Daxota barapo matacabi, po mataqueitha poxonae caurimonae pia pentacaponaein t̃atsi daxita barapo cae pin nacuathe jiwi j̃nt̃̃ coyene j̃j̃t̃̃inchi, poxonae jiwi bichocono atene exanaeinchi bara paca capanenebiya exanaeinchi. Caurimonae pia pentacaponaein t̃atsi j̃nt̃̃ coyene j̃j̃tsina pomonaetha

pomonae Nacom pejume cowuntsiwichi poxonae bichocono atene exanaeinchi xua daxota Nacom jopa pejume cowuntsiwa tsainchi. ¹¹Imoxoyo patopeicaein. Xaniwaicha beta paxeinare pocotsiwa xua tapana nejume cowuntsiwam xua bexa Nacom paca catsina pocotsiwa paca juntana jeba pia nacuatheicha beta painya tana nejume cowunta dubenanaebiyaexaemxae. Jopa pacopatsinde xua ichun paca exanaena xua abe painya neexanaewa tsane xua daxota jopa painya nexainaewa tsane pocotsiwa paca juntana jeba pia nacuatheicha. ¹²Pomonae xua nejume cowunta dubenanaebiyaena barapomonae bichocono juntu coyene ayapusya daunweya exanaein xua pepatsinexa tsane Nacom pia nacua beicha. Bapoxonae bapana jopa pona tsane Nacom pia nacua weya. Bapoxonae barapomonaetha catsin po wun Taxa Nacom pewun, xua jiwi peyaputaenexa xua barapomonae apara Nacom piamonae tatsi. Yawa catsin po wun pena Jerusalén tomara pewun, po tomara Nacom pia tomara tatsi ichaxota jinompa pomonae peantobewichi Nacom. Barapo Jerusalén tomara itaboco wetsica pona ichaxoteicha xua Tanacom popona. Yawano catsin barapomonaetha tawun, po wun pena wun. ¹³Paxam pomonae painya nejume cowuntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tñaxu tatsi paca tsipaeba, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Laodicea tomarapiwi

¹⁴Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowuntsiwi, pomonae Laodicea tomarapiwi xua bapon petayorobinexa xua barapomonae petayorobinexa. Jande: 'Meje xua paeba pon xaniwaicha pepaebin pon xua xaniwaicha beta naca yabara caunutsiya paeba Nacomtha. Pon xua caena bayatha daxita forota. ¹⁵⁻¹⁶Yaputan daxita pocotsiwa paxam paexaname. Paxam paca tsipaebatsi xua be paichimje: Ichamonae ba aichaxaibi xua apa poxonae po mera mene tñna xuano xua poxonae aque aibi yawa poxonae atou aibi. Bapoxonae mene sutabina. Paxam be barapocotsi mera pana nacayabara tsicotaneme. Paxam conotha pana nejume cowuntame. Jopa panepentsim xua pata tana nejume cowuntsiwam. Matautano jopa bichocono paichichipaem xua painya neexanaewa pocotsiwa paca itorobatsi. Daxota anaya paca xubinchi tsipei conotha pana nejume cowuntame icha xua pebin ichi xua anaya mene sutabina tsipei mene tñna. ¹⁷Payabara paebame po coyene xua copei painya nexainaewi pam. Yawa payabara paebame po coyene xua painya coutha pana nayaweneibame xua jopa pacata acoibi tsaibiyo xua pocotsiwan panantawenoname. Ichitha jopa payaputaebenaem xua

pocotsiwa paca yabara nanta xeinatsi xua pebiwi tsobenar, paca yabara jeichi. Matautano jopa payaputaem xua paxam be pomonae peacopeibiwi pana natsicotaneme. Yawano be pomonae peitata nacutsi jiwi pana natsicotaneme. Yawano be pomonae tamasaina pana natsicotaneme. Apara xua jan: Paxam be barapomonae pam tsipei jopa beta painya juntu coyenewatha pana nejume cowuntsim. Yawa jopa beta painta nacuichim, jan. ¹⁸Daxota paca tsipaebatsi. Pana necomocare po penainwan pewun oro nain po nain xua daunwei xua poxoru isototha pesetsixae xua pexubinexa pocotsiwa abe. Bapoxonae xaniwaicha bara copei painya nexainaewi pam tsane. Yawano pana necomocare po paparuwan inyapana tha tapaca cajuma xatabinexa tsane, tha tapaca cajuma acabinexatsi xua pajumasainame xua painya neuraxae. Matautano pana necomocare pewuwa tabotsinexa painya itamaiqueitha bapoxonae beta pataename. Apara xua jan: Pana newucare xua poxonae po coyene xua beta paca juntu coyene exanaeinchi xua jopa painya nexainaewam tsane painya juntu coyeneintha, pocotsiwa xua abe, jan. ¹⁹Pomonae xua antobein cui itawetan xua abe exana. Equeicha cuiduban xua jopa peexanaenexa baxuan. Yawano bichocono pana nejume cowunde yawano icha juntu coyene paxeinare. ²⁰Pataema bo coibototha uncuan yawa wawan. Icha pebin nejume tane yawa inta coibo sarana xorena bara joniyan yawa bara pana nabaun xanbe pia bothaxae. ²¹Taxa jume cowunta ducuanabiyan xua neitoroba beya xua poxonae bayatha tapan. Daxota Taxa necopata xua taecaenexa imoxoyo ichaxota Taxa pia pexeinya peecaethopeibiwa tatsi tauncuatsi. Icha Taxa neichi baxua, barichin tsane pomonaetha pomonae tana nejume cowuntsiwi. Pomonae nejume cowunta dubenanaabiyaena xua itoroban, xua beya yacui werapaeya othopaena, barapomonae copatsin xua peenaenexa ichaxota imoxoyo pexeinya taequeibithopeibiwa inta uncua. ²²Paxam pomonae painya nejume cowuntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tunaxu tatsi paca tsipaeba, jei Nacom Pexanto', jande", nejei Jesús pon xua uncua.

Meje yabara po diwesi xua xuan Juan tsita naitutatsi peitabocotha

4 ¹Poxonae baxua weta, tan peitabocotha be bo boupa xua boupa yeyetanota. Yawano jume tan pejume, po jume xua copiya jume tan, po jume xua bichocono jume daunweya ajumetsaca be poxonae xua oba po peobiwa pewun trompeta. Bapon Jesús nejei: "Anetha tsinande taxainya betsina. Catsita itutsinchi xua pocotsiwa bexa tsane exanaena", nejei Jesús.

²Bapoxonae nama bichocono Nacom pia Pejumope tunaxu tatsi nejuntu yuca exana. Peitabocotha tan xua ducua pocotsiwa pexeinya peenaethopeibiwa, yawano tan pon xua equiya baxota. ³Pon xua equiya

baxoteicha bichocono itabara daedaena icha iboto ichi pocotsi iboto xua bichocono daedaena pocotsi iboto xua bichocono ainya matoma, po iboto pewɨn jaspe, yawa be pocotsi iboto pewɨn cornalina. Yawano matawacaicha matatsun uncueicatsi coinwawa. Barapo coinwawa bichocono sɨjeya pentha exana icha iboto ichi pocotsi iboto pewɨn esmeralda. ⁴Barapo pexeinya peecaethopeibiwa pia matawacaicha tatsi, tan icha peenaethopeibiwɨn veinticuatro po peenaethopeibiwɨn xoyobe. Barapo peenaethopeibiwɨntha ena pitiri jiwi xua mataɨta veinticuatro poyobe. Yawano barapo pitiri jiwi nama xataba paparuwan, po paparuwan inyapana yawano nanta xataba pocotsiwa be tepa xua penainwan, po penainwan pewɨn oro nain. ⁵Barapo pexeinya peecaethopeibiwa weya be yamɨxɨ busi xua jurujurei. Yawano jerajerei. Yawano barapo peecaethopeibiwa peitabaratha tatsi umena pecoicha be xua pocotsiwa banaxu. Barapo siete banaxutobe coichabe yabara caunuta xua Nacom pia Pejumope tɨnaxɨ tatsi xeina siete po pexeinya jɨntɨ coyenebe. ⁶Barapo peecaethopeibiwa peitabaratha ducua xua pocotsiwa pentha pocotsiwa icha pin mene mar ichi xua mene itarana yawa icha bosibɨ muxupawa ichi xua penthiya.

Barapo peecaethopeibiwa baxota imoxoyo umena cuatro poyobe pocotsiwa xua asɨ. Barapo cuatro poyobe nantiyan itamaiquei dubena peitabara weyano yawa peɨma werenano. ⁷Barapo cuatro poyobe jiwana xua xuan asɨ, pon copiya be neuthɨ itabara, irɨ ichɨn be vaca pebto itabara, irɨ ichɨn be jiton itabara, irɨ ichɨn be cotsara itabara, pon pepupunaein. ⁸Barapo cuatro poyobe daxita barompaya xeina seis po cuarafeinbe. Mataɨtano barompaya ainya itamaiquei xeina daxita matapaeicha pepontha yawano matha iya itamaiquei dubeinya. Mataqueitha, merawithano jopa cuinaya najume copababiyo xua cueicueijeji Nacomtha pon xua eca barapo pia peecaethopeibiwatha, jeye:

“iXam pon bichocono nejɨntɨ coyene xanepanaem,
 xua bapana jopa nexeiwaewa abe peexanaewa!
 iXam pon jiwi Necanamataxeinaem!
 iXam Nacom, pon neayapusɨ itorobi
 coyenewa xeiname!
 iXam pon caena bayatha poponeibame xuano
 xua anoxuae poponeibame xuano xua bexa
 ataya tsitecaeya poponaename!”
 jei barapo cuatro poyobe poxonae
 cueicueijeji Nacomtha.

⁹Pon xua pexeinya pia peecaethopeibiwatha eca, pon xua ataya popona, bapon wɨnae jaintatsi, barapo cuatro poyobe wɨnae jainta. Baxua exana tsipei bapon pexeinya jɨntɨ coyene pexeinaein, mataɨtano tsipei bapon ainya cui coyenewan peexanaein. Mataɨtano bapon jeichichi: “Maisa

paꝓũntũ coyene weiweinan pocotsiwan pata tana necatsixaemxae”, jeichichi bapon. ¹⁰Poxonae barapo cuatro poyobe wũnae jainta, bapoxonaeru pitiri jiwi xua veinticuatro poyobe xua barompaya pia peenaethopeibiwitha ena, barapomonaerũ irũ pentabocototha umena xua wũnae pejainchinexatsi pon ataya pepoponeibin. Yawa barapo veinticuatro poyobe nanta tepa wejonapenta. Bapoxonae jeba pon ataya pepoponaerin peitabaratha tatsi. Bapoxonae jeye:

¹¹ “Pata Tanecanamataxeinaem,

yawano xam pata Nacom.

Maisa wũnae xua paexana dubenanaebiyã

ichamonaetha pata yabara cueicueijeinexa

jinya pexeinya jũntũ coyene yawa jinya

pexeinya ainya cui coyenewan, yawano

jinya neayapusũ itorobi coyenewa.

Baxuan paexanan tsipei xam daxita forotame.

Tsipei xam neichichipaexae daxota baxuan

forotame”, jei barapo pitiri jiwi.

Meje yabara po diwesi xua poxonae Juan tane Nacom pia diboro

5 ¹Bapoxonae tan diboro pecobe weya, po cobe pecoxa weya xua pon xua eca peeaethopeibiwitha. Barapo diboro quiyontsiya matũba yawano barapo diboro nantiyabe muxunene tina yawa catsababa siete xoyobe xua pocotsiwa pecatsababiwa. ²Yawano tan matatsunpin pon peitorobi coyenewa xeina. Yawano jume daunweya yainyaba jeye: “¿Jintam Nacom tsitatsi pon pejũntũ coyene xanepanaerin pontha pon xua Nacom daxota copatsina xua barapo pecatsatabiwa petsitsinaxubiwa tsane xua pepataxubiwa tsane barapo diboro?” jei bapon. ³Ichitha dapocotsin aibi pon itabocototha popona, irũ pon xua popona po irathe, irũrũ pon popona po ire peũma bereca. Tsipei dapon aibi pon bichocono pejũntũ coyene xanepanaerin xua pontha pon Nacom copata xua peitacũpaewatsi xua pepataxubiwa tsane yawa xua peyorobiwa tsane barapo diboro. ⁴Bapoxonae bichocono wecoyan tsipei dapon aibi pon xua bichocono pejũntũ coyene xeicaerin xua pon itacũpatsi pepataxubiwa tsane yawa xua peyorobiwa tsane barapo diboro. ⁵Bapoxonae caerin barapo pitiri jiwi, nejei: “Jopa equeicha wecoyande. Tsipei pon uncua pon wũn dutatsi: ‘León’, jei xua po wũn jei: ‘neũthũ’, jei bapontha Nacom copata xua exana baxua tsipei pia peayapusũ itorobiwa canamataxeina. Apra bapon Judá piamonaerũ jiwi jiwana tatsi, pon Judá caena bayatha tũpa. Barichi bapon apra David pia pemomoxi susato jiwana tatsi, pon David Judea nacuapiwi itorobiya pia pepa peewatsinchi caena bayatha. Saya meisa bapontha Nacom copata xua itacũpatsi xua tsitacutsina barapo siete xoyobe xua catsataba barapo diboro peamanayabixae xua poxonae equeicha caewa asũ poxonae tũpa naetotha”, jei pitirin.

⁶Bapoxonae tan Cordero xua oveja pebto penun, pon uncua Nacom pia pexeinya peecaethopeibiwatha peitabaratha tatsi yawa xua barapo cuatro poyobe peitabaratha tatsi xua xuan asu, yawano pitiri jiwi pia xainya deca tatsi. Barapo Cordero uncua bequein wan xeina xua poxonae bayatha tsibexotsi jiwi abe pia peexanae cuiru coyenein tatsi. Barapo Cordero siete po itamaiqueitobe xeina matautano siete pontetobe xeina. Barapo siete itamaiqueitobe yabara caunuta siete po pexeinya juntu coyenebe xua Nacom pia Pejumope tunaxu tatsi xeina. Nacom najumope itoroba daxita iranthe. ⁷Barapo Cordero wecobe pita barapo diboro pecobe weya, po cobe pecoxa weya tatsi pon xua eca pia pexeinya peecaethopeibiwatha. ⁸Poxonae Cordero pita barapo diboro, bapoxonae barapo veinticuatro pitiri jiwi, iru cuatro poyobe xua xuan asu daxita barapomona pentabocototha umena barapo Cordero peitabaratha tatsi. Daxita barapo pitiri jiwi barompaya xeina xua pocotsiwan pexeinya petaunbabiwan pocotsiwan pewun arpa. Yawano barompaya xeina pocotsiwan pecaapaewan xua pocotsiwan pewun oro nain. Yawa barapo pecaapaewixitha wunba xua pocotsiwan petuxueiwan pocotsiwa tuxusi benata poxonae tauta. Barapo petuxueiwa yabara caunuta xua pocotsiwa poxonae pewucaewa Nacomtha pomona xua Nacom piamona, pomona pia peantobewichi tatsi. ⁹Barapomona pena wei naxuna, jeye:

“Xam maisa pon bichocono nejuntu coyene
 xanepanaein xua netsitsinaxubiwa barapo siete
 xoyobe xua catsataba barapo diboro.
 Tsipei bayatha pana netsitupame poxonae
 painta pentoma exaname pata naexanaenexa
 tsane Nacom piamona tatsi.
 Yawano jiwana itapetame, pomona tsicamonaexi
 xua daxita carepaya tsicamonaexitha xua
 necajume cowuntsiwa tsane.
 Matautano jiwana itapetame daxita i dapomona,
 pomona barompaya icha jume penatsipaebiwa.
 Matautano daxita carepaya tomaranpiwi
 jiwana itapetame.
 Matautano daxita carepaya nacuanpiwi
 jiwana itapetame.

¹⁰ Pana necana exaname be pomona jiwit itorobiya
 pia pepa peewatsiwichi tatsi pan.
 Yawa pana exanamenno be pomona
 sacerdotemonaepiwi pan xua Nacom
 pata tanacuichinexa.
 Yawano pana exaname pata itorobiya
 ewatsinexa po cae pin nacuathepiwi”

jei barapomonae poxonae naxuna.

¹¹Baroxonae necotan, yawan jume tan xua bichocono pinmonae juinya pomonae Nacom pia matatsunpiwi, xua juinya barapo pexeinya peecaethopeibiwatha matawacaicha umena, yawa xua juinya barapo pitiri jiwi matawacaicha umeinchi, yawa xua juinya matawacaicha umeinchi barapo cuatro poyobe xua xuan asu. Pomonae jume tan bichocono ayei jiwi cücüjei. ¹²Baroxonae barapomonae bichocono jume daunweya paeba, jeye:

“iCordero, po Cordero bayatha jiwi tsibexotsi
abe pia peexanae coyenewan tatsi,
maisa barapo Cordero Nacom tsita
juntü coyene xanepanatsi!

Daxota Nacom copata xua bapon xeina
pia peayapusü itorobi coyenewa.

Matautano Nacom copata xua bapon xeina
daxita pocotsiwan xua Nacom xeina.

Yawano xeina pia peyaputae coyenewan.

Yawano xeina pia peayapusüwa xua
daunweya peexanaewa.

Matautano jiwi bewa barü cui

itura jinaena barapon pon Cordero.

Matautano jiwi bewa wünae jainchina
barapon pon Cordero.

Matautano jiwi bewa beta exanae juntü
coyene weiweina peexanaenexatsi bapon xua
petsitüpaexae jiwi abe pia peexanae cuiru
coyenein tatsi”, jei barapo matatsunpiwi.

¹³Yawano equeicha jume tan daxita pomonae caena bayatha Nacom forota: pomonae peitabocotha forotatsi, irüno pomonae po cae pin nacuathe forotatsi, irüno pomonae po ire peüma wetsina forotatsi. Yawano jume tan xua pocotsiwan pin mene mar mentha jinompa. Daxita baxuan carepaya Nacom forota. Jume tan xua jeye:

“Xam Nacom, pon ecame jinya pexeinya
neecaethopeibiwatha irüno xam Corderom,

barabü ataya juntü coyene weiweina

paca exanaenabe xua jiwi juntü coyene

weiweina paca exanaenabe xua

pocotsiwa painya neexanaexaebe.

Barabü daxita jiwi paca barü cui

itura jineibinabe.

Yawano barabü daxita jiwi wünae

paca jainteibinabe.

Yawano barabũ paxeineibinamebe peayapuswa
 xua daunweya painya neexaneibiwabe.
 Daxita barapo coyenein ataya tsitecaeya
 paxeineibinamebe”, jei daxita
 barapomonea, pomonea Nacom forota.

¹⁴Barapo cuatro poyobe xua xuan asũ, jeye: “iBara bara, bara baxua exanaena!” jei. Pitiri jiwi, pomonea veinticuatro poyobe, pentabocototha umena, xua Nacom wũnae pejainchinexatsi, pon ataya tsitecaeya popona.

Meje yabara po diwesi xua siete xoyobe xua xuan pecatsababiwan

6 ¹Bapoxonae tan poxonae Cordero tsitsinaxuba caewa xua catsataba. Bapoxonae caein jiwana pomonea cuatro poyobe xua xuan asũ jume tan xua daunweya paeba xua be yamũxu busi, nejei: “iAnetha, taema!” jei. ²Bapoxonae tan cawayu pmainyan. Pon cawayutha equeica, bapon bicheibi caequeica. Bapon pexeinya tepa catatsi penamata xatatsinexa. Bapon cawayutha ponataba xua beta penabinexa. Bapon amanayaba pia peaitaetabiwichi.

³Poxonae Cordero equeicha tsitsinaxuba icha pecatsatabiwa, bapoxonae barapo cuatro poyobe jiwana xua xuan asũ jume tan, nejei: “iAnetha, taema!” jei. ⁴Equeicha patopa ichũn cawayu petsobian. Pon tsijuma equeica, bapon catatsi peayapusũ itorobi coyenewa xua jiwi pejũntũ coyene wepuxana exanaenexatsi po coyene xua jũntema pejinompaewa. Yawano peexanaenexa xua pebiwi penajutebinexa. Mataũtano bapon pin dejona catatsi.

⁵Poxonae Cordero equeicha tsitsinaxuba icha pecatsatabiwa, bapoxonae equeicha barapo cuatro poyobe jiwana xua xuan asũ jume tan, nejei: “iAnetha, taema!” jei. Equeicha cawayu tan petsaebian. Pon tsijuma equeica, bapon comaequeica pocotsiwa pepesabiwa. ⁶Bapoxonae barapo cuatro poyobe pia xantha jume tan xua nejei: “Saya cae kilo trigo xu cae denario nantomatsina, pocotsi paratixi xua nantomata caentaqueitha poxonae nacuita. Yawano tres po kilobe cebada beno cae denario nantomatsina pocotsi paratixi xua nantomata caentaqueitha poxonae nacuita. Ichitha jopa copatsin tsane xua abe exanaena aceite mera yawano vino mera”, jei pon jume tan.

⁷Barapoxonae barapo cuatro poyobe xua opi ducuanaya jume tan yawa nejei: “iAnetha, taema!” jei. ⁸Bapoxonae cawayu ichũn tan pon na daena. Pon tsijuma equeica wũn dutatsi: “Pon Petũpaein”, jei. Barapo cawayu peputha tapoinchi ichũn cawayu. Pon tsijuma equeica wũn dutatsi: “Petũpaewa Nacua”, jei. Pon tsijuma equeicabe baponbe catatsibe Cordero pia peayapusũ itorobi coyenewa tatsi xua baponbe pejiwana bexubinexabe poxonae cuatro poyobe necotabe pomonea po cae pin nacuathe jinompe, yawano xua pejutebinexabe poxonae jiwi naba,

yawano pejutebinexabe poxonae jiwi piyain poxoru pexaewa aibi tsane, yawano pejutebinexabe poxonae jiwi atene, yawano pejutebinexabe unupiwi xua xuan bichocono anaepana.

⁹Poxonae Cordero tsitsinaxuba ichaxota xua cinco po cuiyobe xua pecatsatabiwa, bapoxonae tan xua be pexaethopaewa ichaxota tauteiba duwei xua tuxusi exaneiba Nacom nexa. Baraxua xua be pexaethopaewa juma bereca tan pomonae bayatha jutebatsi ichamonae, pecaponaexae Nacom Pejume Diwesi xua amsiya awiya pecueicueijeixae. ¹⁰Pomonae xua bayatha jutebatsi ichamonae, barapomonae jume daunweya paeba, jeye: “Nacom ponxaem pepa Necanamataxeinaem daxita jiwi, Nacom ponxaem bichocono nejtuntũ coyene xeicaem. Xam ponxaem pocotsiwan yabara tsiwũnae muxu dubame baxuan xaniwaicha exaname. ¿Eta poxonae exanaename xua poxonae jiwi yabara paebiname xua penatsicuentisiwa xua abe peexanaexae, xuano xua pana yantomatsiname xua nejutebinexa pomonae jinompa po cae pin nacuathe copiya pata tana nejutebixae?” jei barapomonae. ¹¹Bapoxonae barapomonae juma xatabatsi paparuwan, po paparuwan inyapana. Yawano barapomonae baraichichi: “Abũ cataunxuae paeware beya poxonae yacui opi ducuiya weraweracaena xua cataunxuae jujutebaponaeinchi pomonae irũ Cristo pejume cowũntsiwi. Barapomonae jujutebaponaeinchi pecueicueijeixae Cristo pejume diwesi, icha xua poxonae paichim”, jei Nacom.

¹²Poxonae Cordero tsitsinaxuba pecatsatabiwa xua seis po cuiyobetha, bapoxonae tan xua bichocono ira jijiyata. Xometo bichocono tsaebia tsanaya icha paparuwa ichi, pocotsi paparuwa bichocono tsaebia. Jomocoichato bichocono tsobia tsanaya icha pejana ichi. ¹³Opitei xua peitabocotha dubena othopeica po irathe tsique, icha be joibo ichi xua jubaba higuera nae xua pethei othothopeica. ¹⁴Peitaboco aichurucuae icha be poxonae ichũn ichi xua poxonae mata quiyontaba papera. Matautano demxuwan, petunaetonno equeicha ichawa bepoinya poxonae ira jijiyata. ¹⁵Bapoxonae daxita pomonae jiwi itorobiya pia pepa peewatsiwichi tatsi xua barapo cae pin nacuathe, barapomonae nantsiyaba. Irũ pomonae pentacaponaeawi irũ pomonae copei pexeinaewi, irũ pomonae soldadomonae pia pentacaponaeawi xua pomonae jiwi peamanayabeibi jiwi daxita barapomonae nantsiyaba. Daxitarũ pomonae pebusi cui tatayebeibiwichi irũ pomonae xua saya penata exanaewi piawan nantsiyabarũ. Ichamonae barapomonae jiwana ibo mũthũnthã nantsiyaba. Ichamonae barapomonae jiwana nantsiyaba po ibotontha xua saya bobena xua demxuwan itapatororon tsica. ¹⁶Barapomonae demxuwan beya yawa iboton beya jeye: “Pana mataperababare xua pata werapaewa tsane xua daxota pon xua eca pia pexeinya peecaethopeibiwatha jopa pata tana netaewa tsane, yawa xua barapo Cordero pecuiyainwa xua pata neperaxa jubiya exanaeyainwa xua abe

pata exanaexae. ¹⁷Tsipei barapo matacabi patopa po mataqueitha daxita jiwi peraxa jübebinchi. Dapon aibi pon panepa barapo mataqueitha”, jei pomonae nantsiyaba.

Meje yabara po diwesi xua Nacom itapa tina Israel pia pexui tatsi pia pemomoxi susato jiwapaniwi tatsi xua peyaitaenexa

7 ¹Bapoxonae cuatro poyobe tan matatsunpiwi xua iratha umena. Ichün uncu ichaxota pocotsiwa xometo weecoina, ichün uncu ichaxota pocotsiwa xometo bejopiya, ichünbe epatautiya uncuabe. Barapo matatsunpiwi jopa copatsiyo xua joibo pejojondenaewa barapo iratha dena, yawa xua pin mar menein dena, yawano naeintha denano. ²Barichi ichün tan ichün matatsunpin pon pocotsiwa wetsina pona ichaxota pocotsiwa xometo weecoina. Barapo matatsunpin capona Nacom piawa xua pocotsiwa peyaputaewa piawaxae, pocotsiwa pecatinaewa pon Nacom peyapusü itorobi coyenewa pexeinaein. Barapo matatsunpin jume daunweya wawai icha matatsunpiwi beya xua cuatro poyobe, po cuatro poyobe pia peyapusü itorobi coyenewa xeina xua itacüpatsi xua abe exanaena pin mene mar mentha yawa iratha. ³Barapo matatsunpin jeye: “Jopa abe paexanaeinde iratha yawa pin mene mar mentha, paeware abü beya poxonae jiwi paitapa tinaein Nacom pia pejume cowüntsiwichi, pon pata Nacom”, jei barapo matatsunpin.

⁴Jume tan barapomonae yabara, xua ichün jeye: “Ciento cuarenta y cuatro po jiwimonaebe paitapa tina xua Israel pia pemomoxi susatomonae jiwana tatsi”, jei. ⁵Barapo Israel pon icha wün Jacob. Bapon xeina doce po pexantobe tatsi pomonae caena bayatha werapa. Israel pia pexanton tatsi pia pemomoxi susato jiwi tatsi xeina. Pon Judá, barapon pia pemomoxi susato jiwapaniwi tatsi Nacom itapa tina saya doce mil pomonae matabüxümonaebe. Pon Rubén, barapon pia pemomoxi susato jiwapaniwi tatsi Nacom itapa tina saya doce mil pomonae matabüxümonaebe. Pon Gad, barapon pia pemomoxi susato jiwapaniwi tatsi Nacom itapa tina saya doce mil pomonae matabüxümonaebe. ⁶Pon Aser, barapon pia pemomoxi susato jiwapaniwi tatsi Nacom itapa tina saya doce mil pomonae matabüxümonaebe. Pon Neftalí, barapon pia pemomoxi susato jiwapaniwi tatsi Nacom itapa tina saya doce mil pomonae matabüxümonaebe. Pon Manasés, barapon pia pemomoxi susato jiwapaniwi tatsi Nacom itapa tina saya doce mil pomonae matabüxümonaebe. ⁷Pon Simeón, barapon pia pemomoxi susato jiwapaniwi tatsi Nacom itapa tina saya doce mil pomonae matabüxümonaebe. Pon Leví, barapon pia pemomoxi susato jiwapaniwi tatsi Nacom itapa tina saya doce mil pomonae matabüxümonaebe. Pon Isacar, barapon pia pemomoxi susato jiwapaniwi tatsi Nacom itapa tina saya doce mil pomonae matabüxümonaebe. ⁸Pon Zabulón, barapon pia pemomoxi susato jiwapaniwi tatsi Nacom itapa tina saya doce mil pomonae

matabuxumonaebe. Pon José, barapon pia pemomoxi susato jiwaniwi tatsi Nacom itapa tina saya doce mil pomonae matabuxumonaebe. Pon Benjamín, barapon pia pemomoxi susato jiwaniwi tatsi Nacom itapa tina saya doce mil pomonae matabuxumonaebe.

Meje yabara po diwesi xua pomonae juma xatabatsi pemainya paparuwan

⁹Bapoxonae equeicha tan ichamonae pomonae bichocono jiwi ayei. Daxita nacuanpiwi jiwaniwona, yawano daxita carepaya tsicamonaexi jiwaniwona, yawano daxita carepaya icha jumexitha pepaebiwi jiwaniwona, yawano daxita carepaya tomaran jiwaniwona. Daxita barapomonae umena ichaxota imoxoyo Nacom pia pexeinya peecaethopeibiwa, yawa xua Cordero peitabaratha tatsi. Barapomonae bichocono pin bicheito xua ichamonae jopa itacupaetsi peununaewa. Daxita barapomonae juma xatabatsi pemainya paparuwan. Yawano barapomonae pecobetha cajjinca xua be coichaxu axu. ¹⁰Daxita barapomonae jume daunweya jeje:

“iWanacom pon xua eca pia pexeinya
peecaethopeibiwatha yawano Cordero pon uncua,
naca capanepa xua jopa waatenewa tsane
xua abe waexanaexae!” jei barapomonae.

¹¹Barapo matatsunpiwi matawacaicha yatoxoroto umena xua pitiri jiwi matawacaicha yatoxoroto umeinchi. Yawa pitiri jiwi matawacaicha yatoxoroto umena xua xuan cuatro poyobe xua xuan asu matawacaicha yatoxoroto umeinchi. Yawano cuatro poyobe xua xuan asu matawacaicha yatoxoroto umena xua Nacom pia pexeinya peecaethopeibiwa matawacaicha yatoxoyoroto umeinchi. Bapoxonae barapo matatsunpiwi irabe taeumendeca barapo pexeinya peecaethopeibiwa peitabaratha. Yawano Nacom wuna jaintatsi.

¹²Barapo matatsunpiwi jeje:

“iBarabu Nacom juntu coyene weiweina
exaneibatsi pocotsiwa xua beta waexanaewa!
iBara ichi tsane!
iBarabu daxita jiwi wuna jainteibina Nacom!
iMatautano barabu Nacom xeineibina
pia peyaputae coyenewa!
iMatautano barabu jiwi jei tsaibi:
‘Nacom maisa pajuntu coyene weiweinan
xua amanaya pata tana neyawenaemxae’,
jei tsaibi jiwi!
iBarabu daxita jiwi cayabara
baru cui itura jineibina!
iMatautano barabu xeineibiname jinya neyapusu

itorobi coyenewa, xuano xua xeinaename jinya
 neayapuswa xua daunweya neexanae coyene!
 iBaxuan barabu ataya xeinaename!
 iJe bara ichi tsane!” jei barapo matatsunpiwi.

¹³Barapo pitiri jiwi jiwana caein neyainyaba, nejei: “¿Jintam barure pomonae mainya paparuwa nama xataba? ¿Eta werena pona?” nejei pitirin. ¹⁴Jume notan, janje: “iPon pentacaponam, apara xam yaputaneme jame!” jan. Barapoxonae nejei: “Barapomonae apara pomonae werena pona ichaxota poxonae po mataqueitha jiwi bichocono atene exaneibatsi. Barapomonae abe pia peexanae coyenewan tatsi Nacom tajuntemaina, tsipei barapomonae jume cowantatsi xua pon tsitupa barapomonae, pon ‘Cordero’ baraichichi. Barapomonae juntu coyene wuna exanatsi Nacom. Yawa mainya paparuwa jume xatabatsi”, nejei pitirin.

¹⁵Equeicha nejei pitirin:

“Daxota barapomonae umena ichaxota imoxoyo
 Nacom pia pexeinya peecaethopeibiwa.
 Barapomonae tanacuita dubenanaebiya Nacom
 mataqueitha, yawa merawithano Nacom pia
 pin botha tatsi xua pia nacuatheicha tatsi.
 Pon xua eca pia pexeinya
 peecaethopeibiwatha bapon eenequeibina
 barapomonae, tsipei baru popona.

¹⁶Bapoxonae barapomonae jopa piyainyo,
 yawa jopa pia meratsino,
 yawa jopa tsaquiwichi xometotha
 xua bichocono jainchi.

¹⁷Barapo coyene jopa abe exanaeyo
 barapomonaetha, tsipei Cordero Nacom
 Pexanto tatsi, pon uncua ichaxota
 imoxoyo Nacom pia pexeinya
 peecaethopeibiwatha, bapon yawena
 xua barapomonae yawenatsi.
 Barapon Cordero barapomonae beta yapu
 eenaeinchi, icha be poxonae
 pon ovejan peewatsin ichi
 poxonae pia ovejan matacapona beta
 ichaxota penaton mene, po meran
 mene xeica, xua peaswa tsane.
 Bapoxonae barapomonae Nacom itacuere
 mene tsewa exanaena xua pewecoyeixa”,
 nejei pitirin.

Meje yabara po diwesi xua siete po pecatsatabiwa xua tabũ ducua

8 ¹Poxonae Cordero tsitsinaxuba siete po cuiyobetha xua barapo diboro catsataba, bapoxonae peitaboco moya ducua saya be ainya dapaeyobe. ²Bapoxonae tan siete poyobe matatsunpiwi, pomonae xua umena Nacom peitabaratha tatsi. Barapo matatsunpiwi daxita barompaya catsibatsi siete xoyobe xua pocotsiwan pecaobiwan, po pecaobiwan pewũn trompeta. ³Bapoxonae pirapaeyo patopa ichũn matatsunpin. Barapo matatsunpin capatopa xua be coroto xua pocotsiwa oro nain coroto. Barapo oro nain corototha boca petuxuei tsapato xua petautsinexa Nacom nexa. Barapoxonae barapo matatsunpin yũtabotsiya tautabota xua ichaxota pocotsiwa be pexaethopaewa, bichocono tuxuei tsurucuae. Barapo matatsunpin uncua ichaxota pocotsiwa be pexaethopaewa ichaxota tauteiba petuxueiwan, po petuxueiwan xua tuxusi exaneiba Nacom nexa. Bapoxonae barapo matatsunpin catatsi nawita xua petuxueiwan. Pomonae Nacom peantobewixaetsi poxonae tsipaebeiba Nacom, barapo jumein yawa muxuna jujuinya Nacom beicha barapo petuxueiwa xua poxonae tauta. Baraxua xua be pexaethopaewa ichaxota xua tauteiba petuxueiwan, baxua Nacom pia pexeinya peecaethopaewa itabaratha tatsi uncua. ⁴Barapo petuxuei tuxusi mureiwa matatsunpin pia maxũ wetajujuinyatsi Nacom peitabara beya yawa athabe muxuna jujuinya pejume, po jume xua jiwi poxonae tsipaeba Nacom. ⁵Bapoxonae barapo matatsunpin barapo oro nain coroto pita, yawa barapo corototha bichocono wũnca exana iso itere, po itereton xua taxua barapo petuxusi exanathopeibiwatha. Bapoxonae daxita baxua po irathe xuba, bapoxonae yamũxũ busi, yawa jerajerei, yawa ira jijiyatano po cae pin nacuatha tsique.

Meje yabara po diwesi xua trompeta xua pecaobiwan

⁶Barapo siete poyobe matatsunpiwi daxita barompaya nacui wũnaeta pia trompetan xua peobinexa.

⁷Pon xua copiya, bapon oba pia trompeta. Bapoxonae othopeica be ibotixi, pocotsiwa xua benata ichaxota po eman bichocono aque. Yawano muxuna iso itere othopeica. Yawa muxuna othopeica pocotsiwa be pejanan. Daxita baxuan matatsunpin iratha bebaichica. Bapoxonae ichaxota acoibi po iranbe tsitsiniya, cae iran jiwana wetataxua tsiniya ainya irabe jopa daichiyo. Mataũtano taxua ichaxota acoibi po unube tsitsiniya, cae unun jiwana wetataxua tsiniya ainya unube jopa daichiyo. Mataũtano naepanaewan ichaxota acoibi po wexuabe tsitsiniya, cae wexua jiwana wetataxua tsiniya ainya wexuabe jopa daichiyo.

⁸Bapoxonae equeicha ichũn matatsunpin oba pia trompeta. Bapoxonae pocotsiwa be demxuwa taxuapona. Barapo demxuwa xubatsi pin mar mentha, yawano pin mene mar pejana mene tsanaya. Dos po pin mar

menebe jopa daichiyo. ⁹Po pin mar mentha pejana tsanaya baxota duwei werapa, po duwei jinompa baxota. Matautano jeran fobaba pocotsi naein bichocono pin naein.

¹⁰Bapoxonae equeicha icha matatsunpin xua tres poyobetha, bapon pia trompeta oba. Bapoxonae opiteito, poto pinto jopeica itaboco wetsica po irathe tsique, yawa taxuayecapona icha banaxuto ichi. Barapo pin opiteito jopeica mentha xua yawa jopeica ichaxota ira buxupana mene mene natsibotarucua. Saya xua daxita mentha aibi. Saya poxonae tres po menebe bara cae mentha jopeica, yawa jopeica xua cae ira buxupana mentha. Icha ira buxupana menthabe jopa daichiyo. ¹¹Barapo pin opiteito wun dutatsi “Amargura”, jei, po jume xua “Atsu”, jei. Daxota poxonae jopeica barapo mentha mene atsu tsanaya. Pinmonae jiwi werapa poxoru apa barapo peatsu mera.

¹²Bapoxonae equeicha icha matatsunpin xua cuatro poyobetha pia trompeta oba. Bapoxonae jiwana muxunene weabe exana xometo. Ainya muxunenepabe jopa daichiyo. Yawa jiwana muxunene weabe exana jomocoichato. Ainya muxunenepabe jopa daichiyo. Yawa jiwana weabe exana opitei. Icha opitei nacopaba. Poxonae acoibi po opiteibe dudubena tsiniya, bapoxonae cae opiteito jiwana weabe eexana tsiniya. Yawa ainya opiteitobe jopa abe eexana tsiniyaeyo. Po opitei abe exanatsi jopa xanapanaya pentha tsurubenaeyo. Yawano jomocoichato muxunenepa, po muxunenepa abe exanatsi, jopa pentha tsurucuaeyo. Yawa xometo muxunenepa, po muxunenepa abe exanatsi, barapo muxunenepa jopa xanapanaya pentha tsurucuaeyo. Daxota mataqueitha tsiwiyo quiriquirica, yawa merawi bichocono nama.

¹³Bapoxonae pirapaeyo tan matatsunpin pon be cuiyausi xua juinya pupuna ducuaaebiya itabocotha. Bapon jume daunweya jeye: “iPai jiwi tsobenae xua barapo jiwi abe exanaeinchi pomonae jinompa po iratha deque xua poxonae jume taena xua poxonae matatsunpiwi obina trompetan, tsipei acoibi poyobe matatsunpiwi cataunxuae jopa obiyobe anoxuae!” jei bapon, pon be cuiyausi.

9 ¹Bapoxonae equeicha icha matatsunpin xua cinco poyobetha oba pia trompeta. Bapoxonae tan pon xua be opiteito jopeica iratha bayatha, xua peitaboco wejopeica. Bapon catatsi po coyenetha itacupatsi xua pecoibo saranaxubiwa tsane barapo pin muthu deca xua ira bereca. ²Bapoxonae bapon coibo saranaxuba. Barapo muthu coiboto tsina be pin tsuxu jujuina, po tsuxu icha pabi coicha tsuxu ichi poxonae pin pabi. Barapo tsuxu po irathe naquitaba exana yawa xometo naquitaba exanano. ³Barapo tsuxu weya pupuna sure, xua daxita iranthe pupuna. Barapo sure catatsi, pocotsi coyene icha puto ichi xua poxonae naca cawata. ⁴Barapo sure itorobatsi xua jopa abe peexanaewa tsane naepanaewatha xua wexotha xuwa yawa xua tsica naexi. Yawano

xua jopa abe peexanaewa tsane naeintha. Saya jame itorobatsi xua abe peexanaewa tsane jiwitha pomonae Nacom jopa itapa tinaeyo. ⁵Ichitha jopa copatsiyo xua jiwi pejutebiwatsi tsainchi. Saya jame copata xua saya jiwi atene exanaeinchi beya poxonae cinco po xometiyobe tsane. Barapo peatenewa bichocono atene icha be poxonae ichi xua poxonae ichun cawatatsi puto.

⁶Barapo mataqueitha, po mataqueitha jiwi bichocono atene tsane, cuinaya bewerapabenaena ichitha jopa cuinaya werapabena tsane.

⁷Sure be cawayumonaein nacui wunaeta xua penabinexa. Barapo suremonaein mataina pocotsiwan be tepan be pocotsiwan penainton xuan pewun oro nain. Matauta peitabaran be jiwi itabaran. ⁸Pentanan bichocono antanapiiya be yabuxi, pewanon awanoyei be neuthu wanon. ⁹Pia pepon tsebocon dubena be penain xuan baxota penayaewatsinexa, po penain pewun hierro nain matawun. Pecuarafein busin be cawayu busin poxonae cawayu cacuinaejjinca ainya naein xua cawayu pecaponae naexi xua penabiwa tsane. ¹⁰Pebosoton be puton bosoton xua e dubena. Pia pebosotontha itacupatsi xua abe peexanaewa jiwitha xua beya poxonae cinco po xometobe. ¹¹Barapo suremonaein xeina pia pentacaponaein, po pentacaponaein peewatsin barapo pia pin muthu, po muthu ira bemuthu taerucuaeca. Barapo matatsunpin pon suremonaein pia pentacaponaein tatsi hebreo jume wantha “Abadón”, jei. Seicaya griego jume wantha “Apolión”, jei. Barapo jume wantha jeye: “Pon Pecaewitaxubin daxita”, jei.

¹²Baxua weta xua copiya abe peexanaewan, ichitha awiya seica ainya peabe coyenewabe.

¹³Bapoxonae equeicha icha matatsunpin xua seis poyobetha oba pia trompeta. Bapoxonae jume tan xua cueicueiwei cuatro po pentetobe weya. Barapo cuatro po pentetobe umena pemuxuburutha xua be pexaethopaewa xua ichaxota tauteiba petuxueiwa xua tuxusi exaneiba Nacom nexa. Baraxua xua be pexaethopaewa daxita matapaeicha juma catsababa oro nain. Baraxua Nacom pia pexeinya peecaethopeibiwa itabaratha tatsi uncua. ¹⁴Barapo matatsunpin xua pon seis poyobetha xua pon pia trompeta xeina barapo jumetha tsipaebatsi barapon. Barapo matatsunpin jeichichi: “Barapo cuatro poyobe matatsunpiwi pomonae maxu cubebatsi maxu isacapende xua pomonae umena ichaxota po mene pin mene, po mene pewun Eufrates”, jei. ¹⁵Bapoxonae barapo cuatro poyobe sorobabatsi, xua jiwi pejutebiwa tsainchi. Icha bicheito jutebatsi. Dos po bicheitobe jopa jutebichi. Barapo cuatro poyobe bayatha cui wunaetatsi xua po horathe nexa, yawa xua po matakabithe nexa yawa xua po xometothe nexa yawa po weithe nexa xua poxonae pesorobabiwatsi tsainchi. ¹⁶Jume tan xua pia soldadomonae yabara paeba

xua pomonae bichocono ayei xainto bicheiton, jeye: “Bapon doscientos millones xeina po soldadomona cawayutha pona”, jei.

¹⁷Xua xuan tan cawayumonaein iche: Pomona cawayutha eneica pentacaritha cajjinca penain bocoton, petsobiwanno, yawa pesujeiwanno, yawa pedaedaenaewanno. Barapo cawayumonaein peitabaran be neuthu itabaran. Barapo cawayumonaein pecoiboton tsina iso itereton tajjuinatsi xua tsuxu tsobia, yawano icha tsuxuno xua coicha sjei. Yawano icha coicha po tsuxu coicha daena. ¹⁸Pin bicheitomona werapa tsipei barapo cawayumonaein pecoiboton tsina tajjuinatsi iso itere, petsuxano xua sjei, yawa icha tsuxu po coicha bichocono coicha daena. Dos po bicheito cuntyobe jopa daichiyo. ¹⁹Barapo cawayumonaein pecoiboton tajjuinatsi pia peayapuswan tatsi yawano pebosoton tsinano. Barapo cawayumonaein bosoton be jomon matanaein. Barapo jomo matanaeintha jiwi abe exainchi.

²⁰Ichitha ichamona pomona jopa werapaeyo barapo pewerapaewantha, barapomona jopa pentsiyo abe pia peexanae coyenewan. Matautano jopa barapentsiyo xua antobeya wnae pejainchiwa caurimonaetha. Matautano jopa barapentsiyo po nacom oro nainto nacom, yawa plata nainto nacom, yawa bronze nainto nacom. Yawano wnae jainta ibo nacom. Yawano wnae jainta nae nacom. Barapo nacomnmona jopa itacupaetsi xua penecotsiwa. Yawa jopa itacupaetsi xua pejume taewa. Yawa jopa itacupaetsi xua peponaewa. ²¹Matautano jopa barapentsiyo xua ichamona pejutewiwatsi. Yawano matauta jopa barapentsiyo po coyene xua mara peexanaewa pia coyenewan tatsi. Yawano jopa barapentsiyo xua penata siwa xeinaewa yabuxitha. Matautano jopa barapentsiyo pecaibi coyenewan.

Meje yabara po diwesi xua matatsunpin capona tsica dibiriyo

10 ¹Xan ponxaein Juan, bapoxona equeicha tan icha matatsunpin pon bichocono peayapusn xua peitaboco wetsica pona po irathe tsique. Barapo matatsunpin tsaquinaebowa muxuna dederaquiya duneica. Yawano matatsun uncueicati coinwawa. Peitabara bichocono itabara pentha icha xometo ichi poxona pentha. Yawa pesitobe be isoto coicha xua bichocono coicha tsobia. ²Tsica dibiriyo pecobetha capona xua itutaduta. Po sito xua pecoxa weya pin mar mentha uncua, yawa po sito petsocona werena iratha uncua. ³Bapoxona bapon jume daunweya wawai be poxona neuthu jume daunweya fiba. Poxona bapon wawai, bapoxona jume tan xua be jurujurei yamuxu siete po jumeyobe xua paeba. ⁴Poxona baxua najume weta xua be jurujurei yamuxu siete po jumeyobe xua paeba, pontaban xua tatinaenexa xua baxua paeba. Ichitha jume tan pon peitaboco wenetsipaebica. Nejei: “Moya yawun xeinare yawa jopa tinaeinde xua barapo siete jumeyobe xua be jurujurei yamuxu”, nejei.

⁵Bapoxonae barapo matatsunpin pon xua po sito pecoxa weya uncu pin mar mentha yawa xua po sito petsocona weya uncu iratha, bapon namaxũ yoicha peitaboco beicha po maxũ xua pecoxa weya. ⁶Matatsunpin pon namaxũ yoicha peitaboco beicha po maxũ pecoxa weya, bapon jeye: “Nacom, pon ataya popona, bapon itaboco forota. Bapon irano forota, pin mar meneno forota. Daxita ichawan muxuna forotano, pocotsiwa itabocotha dubena yawa pocotsiwa irathano xeina yawa pocotsiwa pin mar menthano jinompa. Barapon peitabaratha tatsi uncu. Bara xaniwaicha paeban bapon peitabaratha tatsi. Yabara tsiwũnae muxu dutan: ‘Equeicha daxua aibi xua peewatsiwa’, jan”, jei matatsunpin. ⁷Equeicha barapo matatsunpin jeye: “Poxonae matacabi patopaena po mataqueitha icha matatsunpin obina pia trompeta xua siete poyobetha, bapoxonae Nacom nacui jũtsina xua daxita wetsina. Nacom wetsina xuan pocotsiwan caena bayatha Nacom yabara tsiwũnae muxu duta piamonae tatsitha, pomonae Nacom peitorobi jume pepaebiwi. Barapocotsiwan xua Nacom yabara tsiwũnae muxu duta, baxuan jiwi jopa yaputaeyo poxoru jopa Nacom yatsicaewa tsita itũtsiyo jiwitha”, jei barapo matatsunpin.

⁸Barapo jume pon xua itaboco wenetsipaebica, bapon equeicha netsipaeba, nejei: “Ponare yawa pire barapo dibiriyo xua po dibiriyo naitũtarucua. Barapo dibiriyo pire, po dibiriyo barapo matatsunpin comauncua. Barapo matatsunpin pon po sito pecoxa weya uncu pin mar mentha, yawa uncu iratha po sito petsocona weya”, nejei. ⁹Bapoxonae matatsunpin beya ponan yawa wũcan barapo dibiriyo, janje: “Necare barapo dibiriyo”, jan. Nejume nota, jeye: “Moya pire, moya yawa xaema barapo dibiriyo. Poxonae barapo dibiriyo xaename necoibotha catsijain xeicaena be banto tsane. Ichitha necotsorotha atsu tsane”, nejei matatsunpin.

¹⁰Bapoxonae barapo matatsunpin wecobe pitan barapo dibiriyo yawa xan. Poxonae xan netsicoibo xeica be banto ichitha tacotsorotha bichocono atsu tsanaya. ¹¹Bapoxonae netsipaeba, nejei: “Xam bewa equeicha yabara tsiwũnae muxu dutsiya paebiname po coyene bayatha Nacom yabara paeba jiwi, xua ainya nacuanpiwi, yawa pomonae barompaya pijume pepaebiwi, yawano pomonae jiwi itorobiya pia pepa peewatsiwichi”, jei xua pon netsipaeba.

Meje yabara po diwesi xua dos ponbe, ponbe yatsicaewa Nacom pia petapaebinchibe xua petaxaebe pocotsiwa Nacom exana

11 ¹Bapoxonae necata naeto pocotsiwa xua peepa canaũbiwa. Yawano matatsunpin nejei xua Nacom tapaebatsi: “Asiya uncuare yawano pire barapo naetiyo. Bapoxonae Nacom pin pia bo beya ponare, yawa bara po bo epa canaũbare. Yawano epa canaũbare

xua be pexaethopaewa ichaxota tauteiba xua petuxueiwa xua tuxusi exaneiba Nacom nexa. Yawano ununare pomonae baxota Nacom wānae jaintatsi, pomonae yatsicaewa Nacom peantobewichi. ²Ichitha jopa pana epa canaubinde, po pana pesato beya boca ichaxota Nacom pia pepa pin pia bo tatsi uncuu. Tsipei barapo pana ichamonae catatsi pomonae penanapaincha jinompaewi xua icha nacuan werena peponaewi, pomonae Nacom jopa pejume cowuntsiwichi. Barapomonae abe exanaena Nacom pia pexeinya tomara tatsi po tomara xua barapo cae pin nacuathe xua beya cuarenta y dos po xometobe yacui nacui wetsiya jopaena. ³Xan itorobin dos poyobe, ponbe xua inta yatsicaewa paebinabe xua petaexaebe xua pocotsiwa exanan. Baponbe inta yabara tsiwūnae muxu dutsiya paebinabe jiwitha xua beya un mil doscientos sesenta po matabinbetha tsane. Baponbe jume xatatsinbe pocotsi paparuwa xua axən, xua jiwi nama xatabeiba poxoru wecoyei”, nejei matatsunpin xua Nacom tapaebatsi.

⁴Barapo pebinbe ponbe xua inta paebabe, baponbe ichawa yabara caunutatsibe. Caena bayatha Nacom pia peitorobi jume pepaebin, pon pewun Zacarías yabara tina olivo naebe, yawa yabara tina ainyawabe pocotsiwa petabuyubeibiwa pechoichan. Barapocotsiwanbe caunuta xua ponbe inta paebabe. Barapo ainya olivo naebe yawa barapo ainyawabe xua pechoichan petabuyubeibiwa umena pentacaponaein peitabaratha tatsi, pon po cae pin nacuepiwi pia Pecanamataxeinaeinchi tatsi. ⁵Icha ichamonae ichichipa xua baponbe abe peexanaewatsibe baponbe itacupatsibe xua weraweraca peexanaewabe barapomonae pecoiboto tsina icha be pocotsi coyeneya metha ichipabe xua poxonae daxita weraweraca exanabe poxonae be isoto tajuinatsibe. Barapo isototha baponbe omeicha tautabe pia peitafaetabiwichi jiwitha. Barichi werapaena pomonae ichichipa xua baponbe abe peexanaewatsibe. ⁶Baraponbe xeinabe pia peitorobi coyenewa xua itacupatsibe peitaboco acatsiwa tsanebe xua jopa ema peruneicaewa tsane. Baxua itacupatsibe xua exanabe poxonae baponbe po matabitha cataunxuae Nacom tapaebi ducuaebiyatsibe. Matauta baponbe pia peitorobi coyene xeinabe xua meratha equeicha pejana tsanaya exanabe. Matautano baponbe itacupatsibe xua exanabe poxi xua abe exana iratha. Ainya coyenein baponbe exanabe xua xuan be pocotsi coyeneya ichichipabe xua peexanaewabe.

⁷Poxonae baponbe nacui wetsinabe xua tapaeba ducuaebiyabe xua Nacom tapaeba ducuaebiyatsibe, bapoxonae juinaena po mūthū pin mūthū tsina pon ayei pon bichocono abe peexanaein. Baraponbe be xua butsibe natsicotainchi yawa amanayabinchibe xua tupa peexanaenexatsibe. ⁸Petupaeinbe saya pesatotha bocaenabe tomara namtotha, po pepa tomaratha ichaxota matha naetotha

tupa exanadutatsi pon jiwi Pecanamataxeinaein xua baponbe pia Pecanamataxeinaeinchibe tatsi. Jiwi barapo pepa tomara yabara jeichiya jeye: “Barapo Jerusalén tomarapiwi apara be ‘Sodoma tomarapiwi’, jei, yawa barichi be ‘Egipto nacuapiwi’, jei”, jei jiwi. Jiwi barapo Jerusalén tomarapiwi yabara caunutsiya paeba tsipei caena bayatha Sodoma tomarapiwi abe peexanaewimonae. Yawa iru Egipto nacuamonaepiwi abe peexanaewimonae, icha barapo pepa tomaramonae ichi xua Jerusalén tomara xua abe exana. ⁹Daxita pomonae tomarapiwi jiwana, iruno tsicamonaeyo jiwana, iruno pomonae barompaya icha jumexitha pecueicueijeji jiwi jiwana, iruno daxita pomonae nacuanpiwi jiwana, daxita barapo jiwimonae taeumenaena barapo petupaeinbe. Baponbe petupaeinbe bocaenabe acoibi po matabibibe yawa xua equeicha bara caetono. Daxita barapomonae pomonae taeumena, jopa copatsi tsane xua ichamonae bara petupaeinbe pemuthuthu xubiwa tsainchibe. ¹⁰Pomonae xua jinompaena po irathe juntemiya jinompaena xua petupaexaebe baponbe. Daxota daxita barapomonae juntu coyene weiweinaena, yawano daxota barapomonae nantiya nacatsibina pocotsiwan amanaya penacatsibiwana. Barapomonae baxua exanaena tsipei ajumeitafaetabi tsane pocotsiwa paebabe Nacom nexa, ponbe Nacom peitorobi jume peaeinbe.

¹¹Ichitha poxonae yapu caewinaba acoibi po matabibibe yawa xua equeicha bara caeto bocaenabe, bapoxonae equeicha Nacom asu exanaenabe. Bapoxonae asiya uncuaenabe. Daxita pomonae xua poxonae baponbe taeinchibe, bichocono junuwina. ¹²Bapoxonae baponbe jume taenabe xua pon itaboco wetsica jume daunweya baraunchi tsainchibe, jei tsainchibe: “iBara wepajuinamebe!” jei tsainchibe. Bapoxonae baponbe itaboco beicha juinyaenabe tsaquinaebowatha yawa pu taeumenaeinchibe pia peaitafaetabi jiwichi. ¹³Barapoxonae caena ira jijiyatsina bichocono. Ichaxota diez po bonbe uumena tsiniya cae bon jiwana othopa jujuincaena, nueve po bonbe tsiniya jopa daichi tsane. Siete mil po pebiwi matabuxumonaebe werapaena ira pejijiyatsixae tsane. Pomonae jopa werapae tsane bichocono junuwina daxota Nacom wuna jainchinchinchi, po Nacom itaboco beequiya.

¹⁴Bayatha nacui weta xua dos xoyobe xua daxita jiwi atene tsane bichocono. Ichitha imoxoyo equeicha methaunxuae tsane ichawa pocotsiwa acoibi po cuiyobe nexa pocotsiwa xua jiwi bichocono atene tsane.

**Meje yabara po diwesi poxonae xua matatsunpin
xua pon siete poyobetha oba pia trompeta**

¹⁵Barapo matatsunpin xua pon siete poyobetha pia trompeta oba. Bapoxonae pejume itaboco wetsica jume daunweya jeye:

“Po coyene xua jiwi itorobiya peewatsiwatsi
 barapo cae pin nacuathe, anoxuae barapo peitorobi
 coyenewa Nacom pon Wanacanamataxeinaein
 piawa iruno Mesías pon Nacom pia
 peitorobarecaein, bapon piawa tatsi.
 Baponbe daxita jiwi itorobiya ewatsinchi
 barapo cae pin nacuathe xua ataya tsane”,
 jei pomonae xua itabocotha jume
 daunweya wawai.

¹⁶Bapoxonae tan barapo pitiri jiwi, po pitiri jiwi veinticuatro poyobe.
 Barapo pitiri jiwi ena pia pexeinya peenaethopeibiwatha, Nacom
 peitabaratha tatsi. Barapo pitiri jiwi pentabocototha irabe taeumendeca
 xua Nacom wuna pejainchinexatsi. ¹⁷Barapo pitiri jiwi jeye Nacomtha:

“Xam pata Nacom, ponxaem jiwi
 Necanamataxeinaem pajuntu coyene
 weiweinan xua pocotsiwa painta neexanaexae.
 Xam barapo pata Nacom, pon
 neayapusu itorobi coyenewantha neexanaein.
 Xam pon anoxuae ataya poponeibiname yawa
 xua caena bayatha ataya poponeibameno,
 yawano xua bexa tsane ataya poponeibinameno.
 Tsipei anoxuae po mataqueithe nama tamropata
 pitabame jinya neayapusu itorobi coyenewa
 xua tsita itutame xua poxonae daxita
 carepaya nacuanpiwi itorobiname.

¹⁸Daxita nacuanpiwi cacaseba, ichitha
 anoxuae matabi patopa, po mataqueitha
 bichocono anaya atene exanaename
 barapomonae abe peexanaexae.
 Yawano barapo mataqueitha daxita jiwi
 yabara paebiname xua
 penatsicuentsiwa pomonae xua wuna
 peexanaewi iru pomonae xua abe peexanaewi.
 Daxita barapomonae bayatha werapa.
 Barapo mataqueitha iru pomonae xua cata
 nacuita, pomonae jinya neitorobi jume pepaebiw,
 iru pomonae xua pejuntu coyene xanepanaewi,
 barapomonae matabuxumonaebe catsibiname
 pocotsiwan xua bayatha juntana jebame
 xua nematomatsiwan.
 Barichi catsibiname pomonaetha pomonae jopa
 judiomonae naexanaeyo pomonae bequein bara

ichamonae saya pecui pawimonae, matautano
 bequein bara ichamonae peainya cui jiwimonae.
 Ichitha xam saya bara catsita najura.
 Matautano barapo mataqueitha daxita omeicha
 atene exanaename pomonae abe peexanaewi
 barapo cae pin nacuathe”,
 jei barapo pitiri jiwi.

¹⁹Bapoxonae Nacom pin pia bo tatsi nacoibo saranaxuba xua itabocotha. Barapo Nacom pin pia botha jiwi tane pocotsiwa xua ichawa yanta xatatababota xua be caja. Barapo cajatha boca Nacom petinae diwesi, pocotsiwa xua Nacom yabara tsiwuna muxu duta pomonaetha pomonae pia petanacuichiwichi pocotsiwa bexa Nacom taexanaena xua barapomonae taexanaeinchi. Bapoxonae yamxu busi xua be jurujurei yawa jerajerei. Matautano ira jijiyata, yawano nawita othopeica xua dederawa, pocotsiwan benata poxonae po eman ichaxota bichocono aque.

**Meje yabara po diwesi xua petsiriwa yawa pon pinyo,
 pon be jomowabi, bapon pon be Joyoinya**

12 ¹Bapoxonae itabocotha naituta xua pocotsiwa bexa exanaena po cae pin nacuathe tsique. Tan petsiriwa powa nama xatata po paparuwa bichocono wuna, icha be xometo ichi poxonae pentha. Bapowa nataxu yatuuncua jomocoichatotha. Barapowa mataina tepa, po tepatha doce xoyobe xeina opitei. ²Bapowa yaporowa jina pexuyo. Bapowa wawai tsipei atene, poxoru pexuyo naexana imoxoyo. ³Bapoxonae itabocotha equeicha naituta ichawa. Tan pon pinyo, pon be jomowabi, pon be Joyoinya. Bapon pon be Joyoinya bichocono tsofia yawa siete po pentasipabe xeina yawa diez po pentetobe xeina. Daxita carepaya pentasipantha mataina tepan. ⁴Pebosototha ira bereca bebaireca opitei. Ichaxota acoibi po opiteitonbe dudubena tsiniya cae opiteiton jiwanan abe eexana tsiniya. Barapon pon be Joyoinya ewatuncua, yabuyo ewatuncuatsi, powa xua imoxoyo exanaena pexuyo. Bapon pon be Joyoinya ichichipa xane pexuyo poxonae naexanaena. ⁵Barapo petsiriwa tanaexanatsi pexuyo pebin wuto. Barapo pexuyo, po pexuyo poxonae wichaba itorobiya ewata pomonae jinompa po cae pin irathe xua daxita carepaya nacuantha. Bapon daunweya beta ewata barapomonae icha pon oveja peewatsin ichi xua poxonae daunweya beta ewata ovejan. Bapon exana baxua naewa xua be naebarupato. Poxonae barapo pexuyo naexana, pitatsi yawa capoinchi Nacom pia pexeinya peecaethopaewatha beicha. ⁶Bapoxonae barapo petsiriwa naetsiriwa ira xuepana susato tsurucuae nacua beya. Baxotiya Nacom tsiwunaeta xua pia ira nexa yawa xua bapowa pexaewa peapatsinexatsi mil doscientos sesenta matabibetha.

⁷Bapoxonae itabocotha matatsunpiwi naba. Matatsunpin pon pewun Miguel, bapon matacapona pia matatsunpiwi. Iruru pon be Joyoinya, bapon pia matatsunpiwi matacapona. Daxita barapo bicheito nantiya naba. ⁸Ichitha pon be Joyoinya iru pia matatsunpiwi tatsi jopa cui jupaetsi xua Miguel peamanayabaxubiwatsi yawa xua pia matatsunpiwi tatsithano. Daxota pon be Joyoinya yawa pia matatsunpiwi tatsino jopa cui jupaetsi xua peitabocotha pejinompaewa tsipei amanayabapentatsi. ⁹Bapon pon be Joyoinya yawa pia matatsunpiwi tatsino itawetsicatsi po irathe tsique. Bapon pon be Joyoinya pon caena bayatha yabara paebatsi xua jeye: “Bapon apara jomo”, jei. Bapon caurimonae pia pentacaponaein tatsi xua icha wun pewun Satanás. Bapon pon jiwi pemuxujainyabeibin pomonaetha pomonae jinompa daxita po cae pin irathe tsique.

¹⁰Bapoxonae itabocotha pejume jume tan pon xua jume daunweya wawai, jeye:

“Anoxuae Nacom naca capanepa exana pia peayapusu itorobi coyenewatha xua pon be Joyoinya jopa wanacanamataxeinaenexa.

Yawano anoxuae Wanacom itorobiya ewata daxita carepaya nacuantha pomonae jinompa po cae pin irathe tsique.

Yawano anoxuae Nacom Mesías catatsi pia peayapusu itorobi coyenewa pon Nacom pia peitorobin tatsin.

Daxita barapo coyenein anoxuae pata, tsipei pon be Joyoinya itawetsicatsi po cae pin irathe tsique.

Pon Nacom itawetsica, bapon wajiwimonaetha, pomonae jume cowunta Nacom, abeya muxujainyabeibatsi merawitha yawa mataqueithano xua Nacom peitutha tatsi.

¹¹Wajiwimonaetha pomonae iru xua pejume cowuntsiwi Nacom, barapomonae amanayaba bapontha pejume cowuntsixae xua Mesías tsitupa barapomonae.

Bapon pon Cordero, xua pon oveja pebto penun. Yawano amanayaba bapomonae tsipei Mesías yabara paeba dubenanaebiyatsi pocotsiwa bapon barapomonae taexainchi.

Barapomonae amanayaba, tsipei najei: ‘Bequein bapon pon be Joyoinya ichichipa naca juteba ichitha jopa junuwichi xua werapaeinchi. Awiya jume cowunta dubenanaebiyaeinchi

Nacom', najei.

¹² ¡Pajuntũ coyene weiweinare pomonae
itabocotha painya nejinompaexae!
¡Daichitha tsobenae pomonae jinompa
po cae pin nacuathe deque, yawano
xua xuan pin mar mentha jinompa,
tsipei Satanás bara bereca
bichocono anaepanaya patopareca!
Bapon Satanás yaputane xua jopa
bayatha tsaibi tsane poxonae abe
exaneibina po cae pin nacuathe deque", jei.

¹³ Poxonae barapon pon be Joyoinya, pon Satanás itawetsicatsi po
cae pin irathe tsique, bapoxonae yabũyo barainatsi, powa xua bayatha
pexuyo exana pebin wũto. ¹⁴ Ichitha Nacom, barapowa pecuarafe catatsi,
ainya cuarafebe xua cuiyauſi piawan. Daxota Nacom cata xua bapowa
tajũ beya pepupunaenexa ichaxota po ira beya xua Nacom bayatha
tsiwũnaeta, xua pepupunaenexa pon be Joyoinya weya. Barapowa
pupuna barapo ira xuepana susato tsurucuae nacua beya. Nacom apata
bapowatha pexaewa tres po weibetha yawa xua seis po xometobetha.
¹⁵ Bapon pon be Joyoinya pecoiboto tsina mene sutaba xua peawũbonexa
xua bapowa pemonoxubinexa tsainchi awũbotha. ¹⁶ Ichitha ira bapowa
yaweinchi. Barapo ira, naira yetaxuba yawa mene apaxoreca, po mene
bayatha sutaba bapon pon be Joyoinya. ¹⁷ Bapoxonae bapon pon be
Joyoinya bichocono anaepana bapowatha. Daxota bapon nainya pona
bapowa piamonae tatsi beya tatsi xua penabinexa. Bapon ba xua bũtsi
pomonae jume cowũnta Nacom penajume caitorobi diwesi xuano xua
paebe dubenanaebiya Jesús pejume diwesi. ¹⁸ Bapoxonae bapon pon be
Joyoinya, pon be jomowabi, pin mar mene itapa taetabotha uncua xua
pewabinexa ichamonae xua peyawenaenexatsi.

**Meje yabara po diwesi pon ayei, pon be Corei, iruno
xua ichũn pon ayei, pon be Metsametsawa**

13 ¹ Bapoxonae ichũn tan pon pin mar mene juina pon ayei,
pon be Corei. Bapon xeina siete po pentasipabe yawa diez
po pentetobe. Daxita carepaya pentetontha mataina tepan. Daxita
carepaya pentasipantha tinaduba pewũnxi, po wũnxi xua Nacom abe
yabara paebatsi. ² Barapon pon be Corei be neũthũ xua yaquiquibia.
Petaxu be tson taxu. Pecoiboto be neũthũ coiboto. Pon petsobian,
bapon pon be Joyoinya cata pia peayapusũ coyenewa, pon be Corei
catatsi. Yawano muxuna catatsi pia pexeinya peecaethopaewa. Yawano
catatsi pia peayapusũ itorobi coyenewa. ³ Cae matasipatha xua pon be
Corei matasipa, wan ducua be poxonae xua pocotsin tũpaena. Ichitha

barapo matasipa naawanxaebi exana. Daxita barapo irathe nacuanpiwi nabenaeca, tsipei naawanxaebi exana barapo matasipa. Daxota po irathe nacuanthepiwi jume cowunta bapon, pon be Corei jume cowuntatsi. ⁴Barapon pon be Joyoinya wunae jaintatsi, jiwi wunae jainta, tsipei barapon cata pia peayapusu itorobi coyenewa pontha pon be Corei. Barichi pon be Corei wunae jaintatsi, jiwi wunae jainta. Jiwi jeye: “Maisa barapon, pon be Corei ainya cui, peayapusu itorobi coyenewa pexeinaein. Dapon aibi pon pecui jupaewatsi xua bapon peamanayabixubiwatsi”, jei jiwi.

⁵Yawano barapon, pon be Corei copatatsi xua Nacom abe peyabara paebinxatsi. Yawano barapon, pon be Corei copatatsi xua jiwitha peitorobinexa cuarenta y dos po xometobetha. ⁶Bapoxonae barapon, pon be Corei bara baxua exana, xua copatatsi. Bapon Nacom abe yabara paebatsi. Matautano Nacom pin pia bo tatsi abe yabara paebatsi. Matautano Nacom piamonae tatsi, pomonae jinompa itabocotha abe yabara paebatsi. ⁷Yawano barapon, pon be Corei copatatsi, xua bena xua beinchi pomonae Nacom pejume cowuntsiwichi, beya xua poxonae barapomonae amanayabapentsinchi. Yawano barapon, pon be Corei catatsi peitorobi coyenewa, xua daxita jiwi peitorobiwatsi xua pomonae daxita carepaya tsicamonaexi peitorobiwatsi. Matautano catatsi xua daxita carepaya tomaranpiwi peitorobiwatsi. Matautano catatsi xua daxita carepaya pomonae icha jumeintha pecueicueijiwi peitorobiwatsi. Matautano catatsi xua daxita carepaya nacuanpiwi peitorobiwatsi. ⁸Barapon, pon be Corei wunae jaintatsi xua daxita carepaya po cae pin irathe nacuanpiwi wunae jainta. Barapomonae jopa wun dubenaeyo diborotha, po diboro pon Cordero xeina pecobetha, pon Mesias pon naetotha tupa. Barapo diborotha Nacom wun duba pejume cowuntsiwichi caena bayatha poxonae Nacom aena forota nacua. Pomonae wun dubena barapo diborotha jopa weweracaeyo.

⁹Paxam pomonae painya nejume cowuntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tuxaxu tatsi paca tsipaeba xua meje:

¹⁰“Pomonae xua ichun waetabatsi xua atene
peexanaenexatsi barapomonae xuya bara teicaeinchi
ichamonae atene peexanaenexatsi tsane.
Pon xua cusitha namawainta xua ichun bexubatsi,
bapon xuya cusitha bexubinchi”, paca jei
Nacom pia Pejumope tuxaxu tatsi.

Daxota pomonae pejume cowuntsiwi Nacom bewa saya juntu coyene daunweya jinompa xua xuya jopa taexanae tsane ichamonaetha xua bequein abe taexanaeinchi ichamonae. Yawano bewa jume cowunta dubenanaebiyaena Nacomtha.

¹¹Bapoxonae tan ichun pon ayei pon be Metsametsawa. Bapon ira wejuina. Yawa mate ducua icha Cordero ichi pon oveja pebto penun. Daichitha poxonae cueicueijeji, be poxonae cueicueijeji pon be Joyoinya. ¹²Bapon xeina peayapusu itorobi coyenewa, po peayapusu itorobi coyenewa xeina pon be Corei. Bapon pon be Metsametsawa, daxita jiwi itorobatsi xua wunae pejainchinexatsi pon be Corei, pon pia coutha nantasipa awanxaeibi exana. ¹³Yawano pon be Metsametsawa exana nawita xua pexeinya petsita itutsi coyenewa. Yawano bapon exana xua itorobica itaboco wetsica xua pocotsiwa be isoto xua po cae pin iratha tsique xua jiwi petaenexa. ¹⁴Barapon pon be Metsametsawa petsita itutsi coyenewa exana pon be Corei peitabaratha tatsi. Barapo petsita itutsi coyenewantha bapon muxujainyaba xua muxujainyabatsi pomonae jinompa daxita carepaya nacuantha xua barapo cae pin nacuathe. Bapon pon be Metsametsawa itoroba jiwitha xua peexanaenexa ibo nacom xua canaxobiya exana pon be Corei, pon xua xeina pentasipatha xua dejona wan, pon bequein wan ducua, ichitha jopa tupaeyo. ¹⁵Barapon pon be Metsametsawa peitorobi coyene catatsi xua asu exana barapo ibo nacom pon be Corei. Poxonae barapo ibo nacom asu tsane, cueicueijeji tsane yawa jutebina daxita pomonae jopa wunae jainchichi. ¹⁶Yawano bapon itoroba ichuntha xua daxita cobe juma tinaeinchi po cobein pecoxa weya, yawa xua ichacuitha itapa tinaeinchi, xua pomonae jopa ainya cuiyiyo, iruru pomonae xua peainya cui jiwi, iru pomonae xua copei pexeinae jiwi, iru pomonae peacopeibi jiwino, yawano pomonae pia coutha penata exanae jiwi, irano pomonae xua pebusi tatayebeibiwichi. ¹⁷Dapon aibi pon itacupatsi xua piawan comoca yawa xua caenaeta piawan icha jopa xeinaeyo barapo pecobe juma tinaewa. Barapo pecatinaewa pon be Corei pewun tatsi, ichacuitha barapo pecatinaewa saya numero xua pewun tatsi pia numero tatsi.

¹⁸Beta pananta xeinare xua yabara painya neyaputaenexa baxuan. Pon xua yaputane baxua bu bapon yabara nanta xeina xua pon be Corei pia numero tatsi. Barapo numero jupa xua pebin pewun. Barapon pon be Corei pia numero tatsi baxue: seiscientos sesenta y seis.

**Meje yabara po diwesi xua pomonae naxuna 144,
000 po bicheitomonae matabuxube**

14 ¹Bapoxonae tan Cordero xua oveja pebto penun xua uncuia demxuwatha, po demxuwa pewun Si6n. Barapo Cordero baru uncuia ciento cuarenta y cuatro mil po bicheitomonae matabuxube. Barapo ciento cuarenta y cuatro mil po bicheitomonae matabuxube daxita carepaya itapa tinatsi barapo Cordero pia wun tatsi, yawano xua Paxa tatsi pia wun tatsino. ²Bapoxonae jume tan pejume itaboco wetsica. Barapo pejume bichocono jume daunwei be poxonae xua

ainya pin menein busin xua poxonae tajũ wemene othopeica. Yawano be poxonae xua yamũxũ nameta, yawa be poxonae ainya busin xua pinmonae tanbaba. ³Barapomonae pomonae tanbaba pexeinya wei naxũna Nacom pia pexeinya peecaethopaewa itabaratha tatsi, xuano xua barapo cuatro poyobe peitabaratha tatsi xua xuan asũ, yawano xua pitiri jiwi pia peitabaratha tatsi. Ichamonae jopa itacũpaetsi barapo wei xua peyaputaewa xua po wei naxũna barapomonae. Saya jame barapomonae, pomonae ciento cuarenta y cuatro mil po bicheitomonaе matabũxũbe yaputane barapo wei xua pomonae po irathepiwi jiwanamonae, pomonae bayatha Cordero capanenebiya abe pia peexanaewan weya poxonae tsitũpa barapomonae. ⁴Barapomonae jopa nataxobiyo xua penasi cui exanaewa xua yabũxitha pejeinya enaexae. Yawano barapomonae exaneiba daxita xua rocotsiwan Cordero itoroba xua poxonae barapomonae napuna poneiba ichaxota Cordero poneiba. Barapomonae capanenebiyatsi, Nacom capanenebiya xua daxita carepaya jiwi jiwanamonae tatsi xua bapomonae pecana exanaenexatsi pomonae bichocono pepa pejũntũ coyene xanepanaewi Nacomtha irũno Corderotha pomonae xua copiya, pomonae xua Nacom pejume cowũntsiwichi. ⁵Barapomonae jopa penarabiwi tsipei barapomonae bichocono pepa pejũntũ coyene xanepanae jiwi, Nacom peitabaratha tatsi. Barapomonae jopa xeinaeyo xua penatsicuentisiwa Nacom peitabaratha tatsi xua abe peexanaexae.

Meje yabara po diwesin xua cueicueijeji acoibi poyobe matatsunpiwi

⁶Baroxonae tan ichũn matatsunpin xua pupuna itabocotha. Barapo matatsunpin capana pexeinya jume diwesi po diwesi xua ataya tsiteca, po diwesi xua jiwi pecapanenebiwatsi abe pia peexanaewan weya. Barapo diwesi daxita carepayan jiwi nexa: pomonae daxita nacuanmonaepiwi nexa, irũno pomonae tsicamonaexipiwi nexa, irũno pomonae barompaya icha jumein pecueicueijejiwi nexa, irurũ daxita tomaranpiwi nexano. ⁷Barapon jume daunweya paeba, jeye: “Pacunuwiya jinompare Nacom xua beta painya nejume cowũntsiwa. Yawano Nacom wũnae pajainde. Tsipei anoxuae nama barapo matacabi patopa po mataqueitha Nacom yabara paebina jiwi xua penatsicuentisiwa xua abe peexanaexae. Wũnae pajainde pon exana itaboco, xuano xua exana pin mar mene, yawa exana ira bũxũpana mene”, jei barapon pon jume daunweya paeba.

⁸Ichũn matatsunpin cotacaya patopa, bapon jeye: “iBayatha Babilonia tomarapiwi wetaxotsi po tomara pepa tomara, tsipei barapo tomarapiwi bichocono abe exana! iBarapomonae cuiduba ichamonae xua ichamonae abe peexanae coyene peexanaenexa xua penasi cui exanaewa tsane yabũxitha, xua irũ pebiwitha!” jei matatsunpin.

⁹Baroxonae ichũn matatsunpin patopa, bapon jume daunweya jeye: “Icha ichũn wũnae jainta ibo Corei nacomtha xua saya canaxoba yawa

icha itapa tinatsi, yawa ichacuitha xua icha cobe juma tinatsi, bapoxonae Nacom bichocono casebina bapon xua bapon casebinchi. ¹⁰Bapoxonae Nacom bichocono abe exanaena bapon. Baxua Nacom exanaena xua bayatha bapon peyabara nacui wunaetsixaetsi. Jopa juniya exanae tsane poxoru bichocono Nacom yabara anaepana. Barapon bichocono atene tsane poxonae Nacom tautsina barapon isototha, yawa xua po tsuxu, tsuxu daena, po tsuxu pewun azufre matawun. Nacom baxua exanaena pia matatsunpiwi peitabaratha tatsi yawa Cordero peitabaratha tatsi. ¹¹Po isototha Nacom tautsina bapon, barapo iso tsuxu athabe jujuneibiyaena ataya. Barapo petautsiwa jopa itacupae tsainchi xua pewetsiwa mataqueithano, yawa merawithano. Barapo isototha tautinchi pomonae pon be Corei wuna jaintatsi xuano xua barapo ibo Corei nacom wuna jaintatsi, yawano xua barapomonae itapa tinatsi barapo Corei pia wuntha tatsi”, jei matatsunpin.

¹²Pomonae exana dubenanaebiya po coyene Nacom itoroba pia peitorobi coyenewantha, yawano xua Jesús beta jume cowunta dubenanaebiyatsi, barapomonae apara xaniwaicha Nacom piamonae tatsi. Barapomonae tsita itapeinya xeina xua Nacom piamonaetsi tsipei barapomonae bepijawa jopa aitaconaeyo xua peewatsiwa pocotsiwa bexa Nacom exanaena pomonaetha, pomonae abe exana Nacom piamonaetha tatsi.

¹³Bapoxonae jume tan pejume xua peitaboco wenebaraichica. Nejei: “Baxua tinare: ‘Bü bara juntu coyene weiweina pomonae jume cowuntsiya werapaena Jesthath, pon jiwi Pecanamataxeinaein’, jei”, nejei.

Nacom pia Pejumope tunaxu tatsi jeye: “Aa baxua. Yawa wetsina pia penacuichiwan po penacuichiwan Nacom taexainchi yawa nafifina ewatsina Nacom pia nacuatheicha. Po coyene xua barapomonae juntu coyene xanepana dubenanaebiya, yawa po coyene xua barapomonae beta taexana dubenanaebiya xua ichamonae taexana dubenanaebiyatsi, barapo juntu coyene barapomonae yawa ponaena Nacom pia nacua beicha tatsi”, jei Nacom pia Pejumope tunaxu tatsi.

Meje yabara po diwesi xua matatsunpiwi cusin caucuboba po cae pin irathe tsique

¹⁴Bapoxonae equeicha tan tsaquinaebowa xua inyapana. Barapo tsaquinaebo jumatha eca ponxae itaboco wetsica pona, ponxae Nacom peitapetsinxae. Bapon mataina tepa, yawa comaeca pocotsiwa be cusi xua xuiyoi. ¹⁵Bapoxonae icha matatsunpin Nacom pin pia bo weya pona. Bapon jume daunweya wawai pon tsaquinaebo jumatha eca beya, jeye: “iBarapo cusi caucubobare yawa jore pocotsiwa xua naweta tsipei barapo matakabi patopa, po mataqueitha naweta po cae pin irathe deque!” jei

matatsunpin. ¹⁶Bapoxonae pon tsaquinaebowatha eca yawa xua cusi comaeca, barapo cusi caucuboba po cae pin irathe, daxita canacui wetsiya exana.

¹⁷Bapoxonae equeicha ichun matatsunpin Nacom pin pia bo weya pona xua itaboco weya. Barapo matatsunpin cusi capona, po wato bichocono xuiyoi. ¹⁸Bapoxonae equeicha icha matatsunpin pocotsiwa be pexaethopaewa weya pona ichaxota duwei tauteiba xua tuxusi exaneiba Nacom nexa. Barapo matatsunpin canamataxeina xua tauta pecana exanaewa. Barapo matatsunpin iru cusi xeina, po wato xuiyoi. Yawa bapon jume daunweya wawai icha matatsunpin beya pon iru pia wato xeina cusi. Bapon jeye: “iBarapo cusi caucubobare yawa nore uva peparun xua po cae pin irathe deque dubena tsipei bayatha naweta!” jei barapo matatsunpin. ¹⁹Nexata barapoxonae barapo matatsunpin cusi caucuboba yawa nota uva peparun. Yawa barapo uva peparun bebaireca pin pecacubi fetotha xua pemene yucaenexa barapo uva cuei. Icha jiton ichi xua bichocono daunweya cuba uva cuei, bara juta ichi Nacom jiwitha, xua poxonae bichocono atene exanaena jiwitha xua abe peexanaexae jiwi. ²⁰Barapo uva cuei tomara juma beya cuba. Barapo pecacubi feto wetsina jujuina petsobia mera, be pocotsiwa pejana, beya xua cawayu ponxo jayeichatsi yawa xua iratha iya xua tajü beya xua trescientos po kilómetrobe. Icha jiton ichi uva cuei xua tomara juma beya cuba Nacom jiwitha barichi tsane bichocono atene exanaena pomonaetha pomonae abe peexanaewitha, beya poxonae pejanan tajü ayei tsoponae tsane.

**Meje yabara po diwesi xua matatsunpiwi capana siete po
coynewabe xua po coyenewa peabe cui coyenewa**

15 ¹Bapoxonae equeicha tan peitabocotha icha pin petsita itutsi coyenewa xua nebenaeca. Tan siete poyobe matatsunpiwi yawa xua cajjinca siete po cui coynewabe xua po coyenewa peabe coyenewan. Poxonae weta xua exana barapo matatsunpiwi barapo siete po peabe cui coynewabetha bapoxonae Nacom nacui weta xua poxonae anaya bichocono atene exana jiwi abe peexanaexae.

²Bapoxonae tan pocotsiwa be pin mene mar, po pin mene mar copiya tan. Barapo pin mene mar icha be bosibu muxupawa ichi xua penthiya. Yawa tan xua muxunaxuba pocotsiwa be isoto xua itadudubiya. Yawa tan pomonae amanayaba xua pon be Corei amanayabatsi. Barapomonae jopa wuna jainchiyo pon be Corei yawa pon be ibo Corei nacom, yawano jopa itapa tinaetsi pon be Corei pewuntha. Barapomonae imoxoyo caquita umena barapo pin mar mene. Yawano barapomonae caumena arpa matawun xua pocotsiwa pecatanbabiwan xua Nacom catsiba.

³Barapomonae naxuna Moisés pia wei tatsi, pon Nacom pia penacuichiwa

tatsi taexainchi. Yawano barapomonae naxuna Cordero pia wei tatsi, barapo naxobe weibe jeye:

“Pata Nacom, pon jiwi Necanamataxeinaein, daxita xam exaname bichocono peainya cui coyenewa yawano bichocono wuna.

Xam pon, daxita neayapusu itorobiya coyenewan xeiname.

Jinya coyenewan bara pexainyeiwan poxoru beta exaname.

Xam itorobiya neewatsin daxita carepaya nacuanpiwi.

⁴Xam pon jiwi Necanamataxeinaein.

Daxita jiwi junuwiya cabaru cui itura jinaena.

Yawano daxita jiwi wuna cajainchina tsipei saya meisa xam nejuntu coyene xeicaem.

Daxita carepaya nacuanpiwi patsina xua wuna necajainchinexa tsipei barapomonae bayatha tane pocotsiwa xua betiya xanepanaya exaname”, jei barapomonae.

⁵Bapoxonae equeicha tan peitabocotha Nacom pin pia bo. Po boyo tututha uncua barapo Nacom pin pia botha tatsi po boyotha ichaxota Nacom popona, barapo tutu nacoibo saranaxuba. ⁶Barapo tutu weya matatsunpiwi pona pomonae xua siete poyobe yawa capona siete po coyenewabe xua peabe cui coyenewan. Yawano nama xataba paparuwan, po paparuwan bichocono inyapana yawano daedaena. Yawa naepa paba pocotsiwan be coreinya bocoton xua beya juntacari jayabeinatsi.

⁷Bapoxonae tan caein, xua jiwana barapo cuatro poyobe xua xuan asu.

Bapon barapo siete poyobe matatsunpiwi catsibatsi coroton xua wunba po coyenewan peabe cui coyenewan pocotsiwan Nacom exanaena, pon ataya popona.

⁸Bapoxonae barapo tututha, bichocono petsuxu wunca.

Barapo tsuxu Nacom pia xainya weya tatsi tapichapatsi pon peainya cuin yawa xua peayapusu itorobi coyenewa pexeinaein. Dapon aibi pon pecopatsiwatsi xua pejoniyaewa barapo tututha poxonae cataunxuae jopa wetsiyo barapo siete po coyenewabe po coyenewan peabe cui coyenewan xua matatsunpiwi capona.

Meje yabara po diwesi xua barapo corototha xeina siete po coyenewabe po coyenewa xua peabe cui coyenewan

16 ¹Bapoxonae jume tan xua jume daunweya wawai barapo tutu weya, xua wawai barapo siete poyobe matatsunpiwi beya, jeye: “Paponare po cae pin irathe deque, yawa barapo siete po coyenewabe po coyenewan xua peabe cui coyenewan xua xeina barapo

coroton juntututha baxua paepababare bara bereca. Po coyenewan xua corotontha tsijuntutha xeina baraxuan po coyenein xua Nacom bichocono atene exanaena jiwi penatsicuentisixae xua abe peexanaexae Nacomtha”, jei.

²Matatsunpin pon xua ichaxota ba “uno”, jei, bapon copiya piawa epataba. Bapoxonae pomonae itapa tinatsi xua pon be Corei pewun tatsi, xuano xua wuna jainta ibo Corei nacom, bapomonae barapoxonae nainya xeina xua peaperubewan xua bichocono aperutane.

³Bapoxonae equeicha icha matatsunpin pon ichaxota ba jei “dos”, jei, bapon piawa epataba pin mar mentha. Bapoxonae barapo pin mar mene bichocono mene janowanaya be poxonae xua petupaein boca. Barapo pin mar mentha daxita werapa xua xuan baxota jinompa.

⁴Bapoxonae equeicha ichun matatsunpin pon xua ichaxota ba jei: “tres”, jei, bapon piawa epataba meneintha yawa ira buxurana meneintha, bapoxonae barapo menein be pejanan tsanaya. ⁵Bapoxonae jume tan barapo matatsunpin xua yapucauncia barapo menein. Bapon jeye:

“Nacom maisa xaniwaicha betiya yabara
paebame poxonae atene exaname jiwi xua
penatsicuentisixae xua barapomonae
bichocono abe peexanaewi.

Bapana jopa abe exanaem.

Xam nejuntu coyene xeicaem,

yawa xua pon anoxuae nepoponaem,

yawa xua pon caena bayatha nepoponaemno.

⁶Tsipei barapomonae jinyamonae jutebatsi,

yawano tsipei jutebatsi pomonae

neitorobi jume pepaebiwi.

Daxota barapomonae xuya werapa exaname,

peyantomatsiwa exaname abe peexanaexae copiya”,

jei barapo matatsunpin Nacomtha.

⁷Equeicha ichun jume tan pon cueicueijei pon uncua ichaxota pocotsiwa be pexaethopaewa xua ichaxota tauteiba duwei xua tuxusi exaneiba Nacom nexa, bara weya jeye: “Xam, Nacom pon jiwi Necanamataxeinaem daxita peayapusu itorobi coyenewan nexainaem. Tsipei xam yabara paebame xua jiwi penatsicuentisawa xua abe peexanaexae daxota bewa atene tsane. Pocotsiwa xua exaname bara xaniwaicha betiya exaname, tsipei bapana jopa abe exanaem”, jei pon xua paeba.

⁸Bapoxonae equeicha icha matatsunpin pon ichaxota ba jei “cuatro”, jei, bapon piawa epataraba xometotha. Barapo matatsunpin xometo catatsi po coyene xua xometo exanaena xua jiwi petautsinexatsi xua xota bichocono atsa. ⁹Bichocono daxita carepaya jiwi taxuatsi. Ichitha

barapomonaē icha jũntũ coyene jopa xeinaeyo matautano Nacom jopa wũnaē jainchichi, yawa barapomonaē Nacom abe yabara paebatsi yaitama Nacom xeina peayapusuwa xua itoroba barapo coyenewan po coyenewan xua peabe cui coyenewa.

¹⁰Bapoxonaē equeicha icha matatsunpin pon ichaxota ba jei: “cinco”, jei, bapon piawa epataraba pon be Corei pia peecaethopaewatha tatsi. Yawano barapon pon be Corei po coyene xua itoroba piamonaē jopa xapain piamonaē matacaponaeyo be pon xua pona poxonaē quireitha. Daxota piamonaē tatsi jũntũ coyene deideije. Barapomonaē peparaxaewa nawano sine. ¹¹Jopa juniya exanaponaeyo barapo coyenewan po coyenewan xua peabe cui coyenewan, yawano cataunxuae barapomonaē exanapona xua Nacom abe yabara paebatsi po Nacom itabocotha eca. Daxota barapomonaē Nacom abe yabara paebatsi yaitama Nacom barapo peatene cui coyenewa itoroba yawano xua itoroba peaperũtanewan.

¹²Bapoxonaē equeicha icha matatsunpin pon ichaxota ba jei “seis”, jei, bapon piawa epataraba po pin mene mentha pewũn Eufrates. Barapo Eufrates mene namto naexaniya xua pepatsinexa pomonaē pocotsiwa werenepiwi pomonaē jiwi itorobiya pia pepa peewatsiwichi.

¹³Nexata bapoxonaē tan xua pon be jomowabi, pon Joyoinya. Irũ tan pon ayei, pon be Corei. Irũ tan pon xua naerabiya jeye: “Xan Nacom peitorobi jume tapaebin”, pon jei. Daxita barapomonaē barompaya pia coiboton tsina tajujinatsi acoibi poyobe cauri xua xuan be pocotsiwan cuei. ¹⁴Barapo caurimonaē exana pexeinya petsita itũtsi coyenewan. Barapo caurimonaē ponarũcũpa xua penacaetuta exanaenexa daxita pomonaē jiwi itorobiya pia pepa peewatsiwichi. Baxua exana xua naba peexanaenexa po mataqueitha Nacom nabenabe pon jomowabi pon Joyoinya. Barapon Nacom daxita peayapusũ itorobi coyenewan pexeinaein.

¹⁵Nacom jeye: “Taema, jemeicha patopaein icha be pon pecaibin ichi poxonaē jemeicha patopa. Jũntũ coyene weiweina pon xua yoyoca tsipei nama xatata paparuwa xua jopa petamsa ponaenexa jiwi itũtha xua bapon petaewatsi daxita pia pepon”, jei Nacom.

¹⁶Daxita pomonaē jiwi itorobiya pia pepa pecanamataxeinaewichi, barapomonaē nacaetuta ichaxota po iratha pewũn Armagedón xua hebreo jumetha. Barapo iratha nacaetuta xua naba peexanaenexa xua po mataqueitha Nacom nabenabe pon be jomowabi, pon Joyoinya.

¹⁷Bapoxonaē equeicha ichũn matatsunpin pon ichaxota ba jei “siete”, jei, bapon piawa epataba barapo irathe matatsun susatotha. Bapoxonaē itabocotha xua tutu wetsica ichaxota Nacom pia pexeinya peecaethopaewatha baxota jume tan pon xua jume daunweya cueicueijeiya jeye: “Bara bayatha nacui xainwaetaba”, jei pon xua paeba.

¹⁸Bapoxonaē bichocono jerajerei itabocotha, yawa pejumein, yawa

bichocono jurujurei. Matautano bichocono ira jijiyata beyacaincha xua poxonae ira jijiyateiba poxonae copiya jiwi aena naexana po cae pin nacuathe xua beya anoxuae. ¹⁹Po tomara, pepa tomara barapo tomara ainya wanbe exanabe poxonae baxua ira jijiyata. Icha iranthe barichi baxota tomaran abe exana. Nacom yabara nanta xeina Babilonia tomara tsipei barapo tomarapiwi abe peexanaewi. Daxota Nacom barapo pepa tomara abe exana poxoru bichocono anaepana barapomonaetha. ²⁰Daxita petunaeton yawano daxita demxuwana aichurubena xua ira pejijiyatsixae. ²¹Barichino itaboco weothopeica xua jiwi matatsun othopeicatsi pocotsiwan dederawa xua xuan benata ichaxota po eman bichocono aque. Barapo pedederawian bichocono arewe. Bapoxonae barapo jiwi Nacom bichocono abe yabara paebatsi yaitama Nacom itoroba barapo pedederawian pocotsiwa bichocono abe barapomonae nexa.

**Meje yabara po diwesi xua Nacom itaweta powa xua bichocono
penasi cui matacaetsiwa xua weiweina pia paratixichi
powa xua yabara caunutatsi Babilonia tomara**

17 ¹Nexata bapoxonae taxantha patopa caein matatsunpin jiwana, po matatsunpiwi siete poyobe yawa xua siete xoyobe matauta capona coroton. Bapon nejei: “Anetha catsita itutunchi xua yabanyo powa bichocono penasi cui matacaetsiwa xua weiweina. Barapowa eca ichaxota pin mar mene, powaxae xua yabara caunutatsi Babilonia tomara.

²Pomona xua jiwi itorobiya pia pepa peewatsinchi barapo cae pin nacuathe barapomona xua yawa muxuna abe nanabarx exana bapowa. Matautano daxita carepaya pomona po cae pin irathe jinompa barapo coyene exana bara jupa, icha barapomona ichi. Barapowa cana exana xua barapo jiwi abe exana, tsipei barapo jiwi ichichipa po penasi cui matacaetsiwa bapowa exana”, nejei matatsunpin.

³Poxonae cataunxuae Nacom pia Pejumo xua tunaxu tatsi netsita ituta baxua, bapoxona matatsunpin necapana ira xuepana susato tsurucuae nacia beya. Baxotiya petsiriwa tan xua eca pon ayei pon be Corei bapon pejumatha, xua pon tsobia. Bapon daxita carepaya pepontha tinaduba po jumein xua Nacom abe yabara paebatsi. Yawano bapon siete po matasipabe xeina yawa diez po pentetobe xeina. ⁴Bapowa nama xatata paparuwa, po paparuwa mu sujei yawa mu tsobia. Bapowa yawa napepena xua pocotsiwan pewun oro nain, yawano be ibotixi xua pocotsiwan ainya matoman, yawano po warowa xu inyapana xua po warowa xu pewun perla. Barapowa pecobetha xeina coroto penain coroto xua oro nain yawa wunta pocotsiwan xua be mara, yawa barapowa pia penasi cui matacaetsi coyene xua weiweina. ⁵Powa xua yabara caunutatsi Babilonia tomara, barapowa peitapatha tinaduta pewun, po wun jiwi

jopa yabara yaputaeyo. Barapo wun jeye: “Powa xua yabara caunutatsi pepa Babilonia tomara, bapowa be coxiwa natsicotane, xua powaxi nasi cui matacaeta xua weiweina barapowaxi pena tatsi. Matauta bapowa daxita pomonae xua bichocono abe peexanaewi barapomonae pena tatsi”, jei xua tinaduta. ⁶Pirapaeyo jume tan xua barapo Babilonia tomarapiwi yabara jeichi: “Icha pebin ichi xua peatsaxae mera bichocono cupatsi, barapo Babilonia tomarapiwi barapocotsi coyeneya juta ichiya exana. Baxua exana, tsipei barapo Babilonia tomarapiwi juteba pinmonae pomonae Nacom pijimonae tatsi, iru pomonae Jesús pejume diwesi pepaebiwi”, yabara jeichi barapo Babilonia tomarapiwi.

Poxonae tan xua barapo tomarapiwi be cupatsi bichocono, yabara nabenaecan bapoxonae. ⁷Bapoxonae matatsunpin nejei: “¿Eta xua metha nabenaecame? Yabara cayaputane exanaeinchi bapowa xua pocotsiwa jopa yaputaem. Yawano yabara cayaputane exanaeinchi barapon pon be Corei, pontha xua bapowa eca peumatha. Bapon siete po pentasipabe xeina xuano xua diez po pentetobe xeina. ⁸Barapon pon be Corei pon taneme caena bayatha popona barapo cae pin nacuathe. Anoxuae jopa poponaeyo. Ichitha bexa tsane juinaena po muthu bichocono pin muthu tsina. Bapoxonae nama yatsicaewa weweracaena. Bapoxonae jinompaena jiwi barapo cae pin irathe. Barapomonae jopa wun dubenaeyo Nacom pia diborotha tatsi, po diborotha xua jei: ‘Pomonae wun dubena barapo diborothe jopa weweracae tsane’, jei. Barapo jiwi caena bayatha jopa wun tinaetsi barapo diborotha. Barapo jiwi poxonae taena barapon xua taeinchi pon be Corei bichocono najuntu coyene cabenaecaena. Daxota najuntu coyene cabenaecaena tsipei caena bayatha popona, xua anoxuae ajibi ichitha equeicha bexa patopaena xua peponaewa tsane barapo cae pin irathe”, nejei matatsunpin.

⁹Equeicha matatsunpin nejei: “Meje tha xua paebichi xua ichamonae itacupatsi peyabara yaputaewa baxua: Barapo siete po pentasipabe xua pon be Corei, barapo siete matasipabe demxuwana yabara caunuta xua po matasipantha ichaxota barapowa peumatha eca, powa xua Babilonia tomara yabara caunutatsi. Barichi barapo siete po pentasipabe xua pon be Corei, yabara caunutatsi pomonae jiwi itorobiya pia pepa peewatsiwichi. ¹⁰Cinco poyobe barapomonae pomonae jiwi itorobiya pia pepa peewatsiwichi bayatha naitapataya werapoinca. Caein anoxuae barapo siete poyobe jiwana matacapona po cae pin irathepiwi, ichun bexa tsane patopaena xua matacaponaena barapo cae pin irathepiwi. Ichitha poxonae bapon patopaena jopa ainya dapaein matacapoponae tsane po cae pin irathepiwi. ¹¹Bapon pon be Corei pon caena bayatha popona xua anoxuae jopa poponaeyo, bapon ichaxota ba jei: ‘ocho’, jei, bapon pon jiwi itorobiya pia pepa peewatsinchi naexanaena po cae pin irathepiwi nexa, bequein bapon caena bayatha tupa xua barapo

siete poyobe jiwana. Bapoxonae nama equeicha weweracaena poxonae tupaena”, nejei matatsunpin.

¹²Equeicha matatsunpin nejei: “Barapo diez po pentetobe xua taneme xua po penteton yabara caunutatsi pomonae jiwi itorobiya pia pepa peewatsiwichi, barapomonae cataunxuae jopa patsiyo xua itorobiya peewatsinexatsi po cae pin irathepiwi. Ichitha po peitorobi coyenewa barapomonae catsibinchi xua saya bara caeto itorobiya ewatsinchi po cae pin irathepiwi xua iru barapon pon be Corei itorobiya ewatsina. ¹³Barapo diez poyobe pomonae piamonae itorobiya pepa peewatsiwi pebrũya nanta xeinarũcũpa. Matautano barapo diez poyobe pomonae piamonae itorobiya pepa peewatsiwi pia peayapusũ exanaewan pon be Corei catatsi, yawano peayapusũ itorobi coyenewa catatsi. ¹⁴Daxita barapomonae pomonae diez poyobe, pomonae piamonae itorobiya pepa peewatsiwi iru pon be Corei, Cordero butsi. Ichitha barapo Cordero amanayabina daxita barapomonaetha. Tsipei barapon pon jiwi pia pepa Pecanamataxeinaeinchi pia peayapusũ itorobi coyenewa xeina beyacaincha xua ichamonae xeina pomonae jiwi pecanamataxeinaewichi. Matautano bapon pon Corderoxae jiwi itorobiya pia pepa Peewatsinchi tatsi pia peayapusũ itorobi coyenewa xeina beyacaincha xua ichamonae xeina pomonae jiwi itorobiya pia pepa peewatsiwichi xua iru xeina pia peayapusũ itorobi coyenewa. Pomonae Cordero nabaru yawenatsi xua poxonae amanayaba barapomonaetha, Nacom waba barapomonae poxoru Nacom pia peitapetsiwichi tatsi, matautano tsipei exana pocotsiwa Nacom itoroba”, nejei matatsunpin.

¹⁵Equeicha barapo matatsunpin nejei: “Xua xam po menein taneme mar menein xua ichaxota yabũyo eca pon be Corei peũmatha, barapo mar menein yabara caunutatsi be tomaramonaepiwi, xua yabara caunutatsi tsicamonaexipiwi, yawano yabara caunutatsi pomonae icha jumeintha pecueicueijeijiwi, yawano yabara caunutatsi daxita nacuanpiwi. ¹⁶Bayatha taneme barapon pon be Corei diez po pentetobe, po penteton yabara caunutatsi diez poyobe pomonae jiwi itorobiya pia pepa peewatsiwichi. Barapomonae pomonae jiwi itorobiya pia pepa peewatsiwichi barapowa bichocono casebinchi powa pesi cui weiweinaewa. Yawano wecobe pitinchi xua bapowa pia peitorobi coyenewa tatsi yawano jumasa xubinchi. Yawano barapomonae wi xaena, xua bapowa wi xaeinchi. Bapoxonae bapowa pia pepon tautinchi isototha. ¹⁷Nacom itoroba xua barapomonae pia pejũntũ coyenetha peexanaewa tsane xua pocotsiwan Nacom ichichipa. Daxota barapomonae pomonae jiwi itorobiya pia pepa peewatsiwichi pomonae diez poyobe, pebrũya nanta xeinarũcũpa xua barapomonae pia peayapusũ itorobi coyenewanxae tatsi pon be Corei catsinchi. Baxuan catsina beya abu poxonae wetsina pocotsiwa Nacom bayatha paeba. ¹⁸Petsiriwa powa taneme xua powa nasi cui matacaeta

xua weiweina, bapowa cayabara caunutatsi: ‘Po tomara pepa tomara’, jei. Pon itorobiya pepa peewatsin xua barapo pepa tomaratha, bapon itoroba daxita ichamonae pomonae jiwi itorobiya pia pepa peewatsiwichi pomonae barapo cae pin nacuathepiwi itorobiya ewatatsi”, nejei matatsunpin.

**Meje yabara po diwesi xua daxita omeicha cayabara
wetapentatsi Babilonia tomarapiwi xua muxuna tomarano**

18 ¹Bapoxonae equeicha tan ichun matatsunpin xua pon peitaboco wetsica pona po cae pin irathe tsique. Barapo matatsunpin xeina ainya peayapusu itorobi coyenewan. Bapoxonae bapon exana xua ira bichocono pentha tsurucuae xua pia pepon weya cueicha pona. ²Yawano bapon jume daunweya wawai, jeye:

“iBayatha Babilonia tomarapiwi
wetapentatsi yawa tomara abe
exanatsi, po tomara pepa tomara!
iYawano anoxuae caurimonae baxota jinompa!

³Tsipei daxita carepaya nacuanthapiwi
bichocono abe exana, po abe peexanae
coyenewa pocotsiwa xua barapo
Babilonia tomarapiwi exana.
Yawano pomonae jiwi itorobiya pia pepa
peewatsiwichi barapomonae cuiduba piamonae
xua abe peexanaewa tsane icha barapo
Babilonia tomarapiwi ichi xua abe exana.
Yawano pomonae pecaenaetsiwi piawan, bapomonae
xuya copei pexeinaewi naexana, tsipei barapo
tomarapiwi copei ayei ichichipa xua beta
pejinompaewa tsane”, jei matatsunpin.

⁴Bapoxonae equeicha ichawa jume tan xua wawai itabocotha, jeye:
“Pomonae tamonaepiwi pam, barapo tomara weya
paponarucupare, xua jopa abe painya
neexanaenexaru icha barapo tomarapiwi
ichi xua bichocono abe peexanaewi.
Bapoxonae Nacom jopa paca atene exanae tsane
icha bayatha ichichi xua atene exainchi
barapo Babilonia tomarapiwi.

⁵Tsipei barapo abe peexanae coyenewan
xua barapo tomarapiwi exana bichocono
aye xua daxota Nacom pon itabocotha
peecaein tane baxuan.
Daxota Nacom yabara nanta xeina

xua atene exana barapomonaetha.

⁶ Barabũ ichamonae jupa exanaena barapomonaetha, icha be pocotsi coyeneya xua bapomonae abe taexana ichamonaetha. Barabũ barapomonae pentoma catsibinchi xua po pentoma equeicha mataropataba xua peatenewa.

Barabũ barapomonae bichocono atene tsane, icha be pocotsi coyeneya xua poxonae barapomonae atene taexana ichamonaetha.

⁷ Pocotsiwa xua bapomonae exana xua atsaca naexana xua penasi cui matacaetsi jiwi naexana, barabũ barapomonae bichocono atene tsane, yawa wecoyei tsane.

Tsipei bapomonae pia coutha natsipaeba, jeye: ‘Waxainchi xote enatsi.

Waxainchi jopa dapomonaetsi pomonaetsi pomonae waseuri jiwi wanaca cuenta werapaewi.

Matautano waxainchi pomonae jiwi itorobiya pia pepa peewatsi jiwichi, jopa bichocono atene tsainchi’, jei bapomonae.

⁸ Daxota saya caentaqueitha tsane jopaena po coyene xua abe peexanaewa tsainchi bapomonae, xua bichocono peperaxa jubiwa tsainchi, matautano xua pejainpaewa tsane bichocono, yawano xua petautsiwa tsainchi xua werapaena. Tsipei Nacom pon pepa Pecanamataxeinaein jiwi peayapusũ itorobi coyenewa xeina, yawano bapon pia coutha yabara paebina po coyene xua tsitatsi xua bapomonae natsiaena cuenta abe peexanaexae”, jei matatsunpin.

⁹ Pomonae jiwi itorobiya pia pepa peewatsiwichi xua po cae pin irathe, pomonae xua bayatha irũrũ abe exana poxonae barapo Babilonia tomarapiwi abe exana, barapomonae bichocono wecoyei tsane poxonae xua taena iso tsũxũ xua poxonae barapo Babilonia tomarapiwi tautsinchi.

¹⁰ Barapomonae tajũ wetaeumeinyaena poxoru cunuwa xua pocotsiwa Nacom cana exanaena barapo Babilonia tomarapiwi. Barapomonae pomonae jiwi itorobiya pia pepa peewatsiwichi najei tsane:

“iPai jaibo Babilonia tomarapiwi pam tsobenae!

iBabilonia tomara tsocuaem!

Bequein pepa tomara tsocuaem, ichitha saya bara cae horatha barapo tomaram omeicha

Nacom cawetaxubina”, najei tsane barapomonaē.

¹¹Daxita pomonaē caenaeta piawan barapomonaē bichocono wecoyei tsane xua barapo Babilonia tomara siwa wecoyeichi tsainchi tsipei barapomonaē jopa xeinaē tsane xua comocaeinchi xua pia pecaenaetsiwan. ¹²⁻¹³Barapomonaē xua pocotsiwan caenaeta dubenanaebiya baxue: xua pocotsiwan pewun oro nain matawun, yawano xua pocotsiwan penainwan xua plata nain matawun, yawano xua ira buxupana iboton xua bichocono ainya matoman, yawano xua pocotsiwan be warowaxu pocotsiwan perla matawun, yawano papaburu pocotsiwan bichocono ainya matoman pocotsiwan seda matawun, yawano po paparuwan mu sūjei, yawa xua xuan mu tsobia; yawano napaewan, po naein xua bichocono tuxuei; yawano xua ichawan weya forobano xua pocotsiwan marfil matawun, yawano xua ichawan weya forobano xua naewan xua po naewan bichocono ainya matoman, yawano xua ichawan weya forobano xua pocotsiwa bronze nain matawun, yawano xua ichawan weya foroba xua penainton, po penainton hierro nain matawun, yawano xua ichawan weya foroba xua iboton, po iboton mármol ibo matawun; yawano capana po petuxueiwan canela tseboco matawun, yawano ichawanno capana xua ichawan xua petuxueiwan; yawano capana icha petuxueiwan xua incienso xua po tuxusi tuxueiwa benata poxonaē taxua exana, yawano icha petuxueiwa pocotsiwan be mauto xua jiwī tauta petuxusi tuxuei exanaenexa, yawano icha petuxueiwanno; yawano vino meran, yawano penasiwan, yawano pebenon xua trigo xu benon, yawano pepa xu xua trigo xu; yawano jota duweimonaēin, ovejamonaēin, cawayumonaēin, yawa caronaemonaēin, xua cawayu pecaponaē naexi, yawano jiwino capoinchi pecaenaetsinexatsi xua pomonaē jiwī pebusi cui tatayebeibiwichi peexanaenexa tsainchi. ¹⁴Barapomonaē jei tsane xua barapo Babilonia tomarapiwi yabara jei tsainchi:

“iAnoxuae jopa paxeinaem pethei, po pethei ainya matoman po pethei paichichipame bichocono!
iAnoxuae nama pacata aichurubenaē xua copei xeina painya nenaexanaewam xua bara ataya tsane!” jei tsane.

¹⁵Pomonaē xua caenaeta dubenanaebiya pocotsiwan xua ainya matoman yawa xua cobe caewita paratixi xua barapo tomarapiwi cobe caewitatsi, barapomonaē taju wenewatumendena xua abe peexanaeyainwatsi xua Nacom exanaena. Barapomonaē bichocono wecoyei tsane. ¹⁶Barapomonaē jei tsane:

“iPai jaibo pepa Babilonia tomara tsobenaē!
Xam Babilonia tomaram bichocono pexeinya tomaram, icha yabuyo ichi xua pexeinyawayo

poxonae paparuwa nama xatata po paparuwa
 bichocono sujei yawa bichocono tsobia.
 Yawano bapowa napepena xua pocotsiwa pewun
 oro nain yawa xua be ibotixi xua pocotsiwan
 ainya matoman yawano po warowa xu xua
 inyapana xua pewun perla.

¹⁷ iSaya bara cae horatha daxita aichurubena
 xua xuan barapo tomara xeina!”
 jei tsane barapomona.

Pomona jera pecanamataxeinaewi, yawano pomona xua napon
 xua warapa icha tomaratha nexa, iru pomona petanacuichiwi barapo
 jera naeintha, iruno pomona nacuita jeratha, daxita barapomona taj
 wenecotumendena. ¹⁸ Poxonae barapomona tane xua iso tsuxu xua
 barapo Babilonia tomara tautatsi, barapomona jume daunweya wawai,
 jeye: “Icha pepa tomara aibi po tomara wnae pocotsi tomara icha
 Babilonia tomara ichi”, jei. ¹⁹ Barapomona pia cui xeina xua tsorobotha
 nantatsaeba poxoru bichocono wecoyei. Wawaya jeye:

“iPai pepa Babilonia tomara tsocuae!
 iAnoxuae jopa peraichiwa xua pocotsiwan bayatha
 jera wunbatsi xua copei xeina naexainchi
 xua poxonae naca comoca barapo tomarapiwi!
 iDaxita baxuan caayawachurucuae
 exainchi tomara!” jei barapomona.

²⁰ Ichitha paxam pomona itabocotha
 painya nejinompaewi pam iru pomona
 tamona pam, iru pomona Jesús pia
 peitorobiwi tatsi pam, iru pomona Nacom
 peitorobi jume pepaewi pam.
 Daxita barapomona pam, pajuntu coyene
 weiweinare xua pacata peichurucuaexae
 barapo Babilonia tomara.
 Nacom xuya abe exana barapo Babilonia
 tomara tsipei bayatha barapo tomarapiwi
 pacata abe exana.

²¹ Bapoxonae matatsunpin pon bichocono pia peayapusu itorobiwa
 xeina, bapon pita iboto, po iboto bichocono pin iboto xua be pocotsi
 ibototha jiwi cuba trigo xu. Bapoxonae barapo matatsunpin xuba barapo
 iboto pin mar mentha. Bapon jeye:

“Icha barapo iboto ichin xua xuban barapo
 pin mar mentha, Nacom barichi wetaxuba
 barapo Babilonia tomara xua equeicha
 jiwi jopa petaewa tsane.

²² Yawano bapana equeicha jiwi jopa jume
tae tsane xua petanbabiwan busin xuan
pewun arpa matawun, yawano xuan po
peobiwa jumein pewun flauta matawun,
yawano icha peobiwan jumein xuan
pewun trompeta matawun.

Matautano jopa tae tsane pomonae xua
barompaya piawan penata exanae jiwi.
Matautano jopa busi tae tsane barapo
pin tomaratha xua busi
xu yacatoyeraba trigo xu xua pin ibototha.

²³ Matautano jopa yonoyonei tsane pecoichan.
Matautano jopa jume tae tsane xua pin
penabanaewa exana xua poxonae
pebin pecotsiwa pita.

Pomonae pecaenaetsiwi barapo pin tomaratha
bichocono copei pexeinaewi xua daxota
daxita nacuanpiwi yabara cui yaputane
xua barapomonae peainya cui jiwi.

Barapomonae pomonae Babilonia tomarapiwi
itacupatsi xua daxita nacuanpiwi
muxuitorobatsi mara peexanaewi pia
coyenyatha xua daxota iru abe
peexanaenexa tsane, icha barapo Babilonia
tomarapiwi ichi xua abe exana”,
jei matatsunpin.

²⁴ Nacom weraweraca exanaena barapo tomara. Barapo tomarapiwi
Nacom tsitatsi xua barapomonae penatsicuentiwa xeina xua ichamonae
pejutebixaetsi, pomonae Nacom pia peitorobi jume pepaebiwi, iru
pomonae Nacom pejume cowunsiwichi tatsi yawano daxita pomonae
bayatha jutebatsi po cae pin nacuanthepiwi xua ichamonae juteba icha
tomarantha.

19 ¹ Bapoxonae peitabocotha jume tan xua juinya pinmonae jeye:
“iBarabu Nacom wunae jainatsi, Nacom naca
capanepa abe waexanae coyenewan weya!
iMaisa Nacom pexeinya juntu coyene pexeinaein!
iMaisa Nacom bepa juniya xeinae
peayapusu itorobi coyenewa!

² Nacom wunae jaintatsi tsipei bapon Wanacom.
Poxonae yabara paeba jiwi xua
penatsicuentiwa xua abe peexanaexae,
bara beta xaniwaicha exana.

Yawano bapon bichocono atene exana
barapowa powa xua penatsicuentisiwa
xeina xua abe peexanaexae.

Bapowa penasi cui matacaetsiwa xua
weiweina pebiwitha pia paratixichi.

Barapowa yabara caunutatsi Babilonia tomara
po tomaramonae xua penatsicuentisiwa xeina xua
abe peexanaexae icha bapowa ichi.

Bapowa bayatha cuiduba barapo cae pin
nacuapiwi xua iru abe exana icha
xua barapowa ichi.

Tsipei bapowa Nacom pijimonae tatsi
jutebatsi daxota xuya Nacom pijimonae
yantomata xua poxonae bapowa bexotsi powa
peyabara caunutsixaetsi Babilonia
tomarapiwi”, jei xua juinya pinmonae.

³ Barapo pin ayei jiwi jeye:

“iBarabu Nacom wuna jaintatsi!

iIso tsuxu xua bapomonae tautatsi barabu
bapana jopa athabe jujuinae tsane xua pepu
ataya tsane!” jei barapomonae xua juinya pinmonae.

⁴ Baroxonae veinticuatro poyobe pomonae pitiri jiwi, iruru cuatro
poyobe xua xuan asu daxita barapomonae irabe taemenareca xua
Nacom wuna pejainchinexa tsainchi, jeye: “iJe bara ichi tsane!

iBarabu Nacom wuna jaintatsi!” jei daxita barapo matabuxumonaebe.

⁵ Baroxonae Nacom pia pexeinya peecaethopeibiwatha, jume tan pejume,
xua jeye:

“iDaxita pam, pomonae Nacom pata exaname,

Nacom pon pata Nacom, wuna pajainde!

iIrru pomonae paexaname pocotsiwa Nacom

paca itoroba, Nacom wuna pajainde!

iIrru pomonae peacopeibi jiwi iruru

pomonae copei pexeinae jiwi, daxita

raxam Nacom wuna pajainde!”

jei pejume xua paeba.

**Meje yabara po diwesi xua poxonae jiwi tsinacaetuta pexaewa
penabanaenexa poxonae Cristo, pon Cordero, pecotsiwa nacueyaba**

⁶ Yawano jume tan peitabocotha xua pejumein be pin bicheitomonae be
poxonae xua ainya pin mar menein busin, yawano be xua xuan yamuxu
jurujurei. Barapo jumein jeye:

“iBarabu Nacom wuna jaintatsi

pon jiwi Pecanamataxeinaein!
 Bapon nama anoxuae tamropata pitaba
 xua daxita carepaya nacuanthapiwi
 itorobiya ewatsinchi.

Bapon xeina daxita coyenewan xua pia
 peayapusu itorobi coyenewan.

⁷ ¡Juntũ coyene weiweinatsi yawano
 jacobatsi, jeichichi: ‘Maisa pexeinya
 juntũ coyene pexeinaein’, jeichichi!
 Baxua bewa exanaetsi tsipei patopa matakabi
 poxonae po matakabitha jiwi tsinacaetuta
 pexaewa penabanaenexa poxonae pon
 Cordero, piowa nacueyaba.
 Barapon pon Cordero, pecotsiwa tatsi nacui
 xainwaeta, poxonae po matakabitha jiwi
 pin penabanaewa tsinacaetuta xua
 penabanaewa tsane.

⁸ Barapowa copatatsi xua penama xatatsinexa
 paparuwa, po paparuwa bichocono
 pexeinya paparuwa.
 Barapo paparuwa bichocono inyapana yawa
 xua bichocono mũ daedaena.
 Barapo pexeinya paparuwa caunuta xua po
 coyenein Nacom pia peantobewichi tatsi exana
 xua po coyenein Nacom tsita xanepanatsi.
 Barapo yabũyo yabara caunutatsi Nacom
 pijimonae tatsi, pomonae Nacom pejume
 cowũntsixaetsi”, jei barapo pin bicheitomonae.

⁹ Bapoxona matatsunpin nejei: “Tinare xuaje: ‘Bichocono juntũ coyene
 weiweina pomonae Nacom waba poxonae pin penabanaewa tsinacaetuta
 xua penabanaewa tsane poxonae pon Cordero, nacueyaba pecotsiwa’,
 jande poxonae xua tiname”, nejei barapo matatsunpin. Equeicha nejei:
 “Daxita po jumein xua catsipaebatsi barapo jumein xaniwaicha Nacom
 paeba”, nejei barapo matatsunpin.

¹⁰ Bapoxona barapo matatsunpin petaxutha irabe taeuncuarecan
 xua wũnae tajainchinexa. Ichitha bapon nejei: “¡Bara! Jopa baxua
 neexanaeinde. Apra xan irũ ponxaein Nacom piawa taexanaein, icha
 xam ichim xuano xua icha jinya jiwimonae ichi pomonae Nacom pejume
 cowũntsiwichi, xuano xua jume cowũnta dubenanaebiya pocotsiwan
 xuan Jesús paeba. Jame Nacom bapon wũnae jainde”, nejei matatsunpin.

Baxuan xuan pocotsiwan Jesús paeba xua xuan pexainyeiwan,
 baxuantha yawenatsi nawita pomonae Nacom peitorobi jume pepaebiwi.

Meje yabara po diwesi xua pebin equeica cawayutha, pon permainan

¹¹Bapoxonae peitabocotha tan xua naitaboco yausaranaxuba. Baxota naituta cawayu, pon permainan. Pon xua cawayutha equeica, wun dutatsi, jeichichi: “Pon xua pejume cowunta ducuaenaebiyaein, yawano xua xaniwaicha pepaebin”, jeichichi. Bapon xainyeya betiya yabara paeba jiwi xua penatsicuentsiwa xua abe peexanaexae. Matautano bapon xainyeya betiya exana poxonae naba ichamonaetha. ¹²Bapon peitamaiqueito be isoto itareto xua yonoyonei. Yawano bapon nantatsun etounya pentasipatha ainya tepan. Yawano bapon tinaduta pewun po wun xua saya meisa bapon wun yaputane. ¹³Yawano nama xatata paparuwa, po paparuwa pejanan dubena be poxonae xua jautuxuba pejanatha. Bapontha Nacom wun duta: “Nacom Pejume”, jei. ¹⁴Bapon puna poinchi soldadomonaе itabocopi soldadomonaе, pomonaе Nacom pia soldadomonaе tatsi. Barapo soldadomonaе pexeinya paparuwan nama xataba xua xuan mu inyapana, yawa xua axuirubi. Yawano barapomonaе eneica cawayumonaеintha xua xuantha pemainyawantha. ¹⁵Barapon pon mata capana pia soldadomonaе pecoiboto tsina tapichapeinatsi cusi, po wato bichocono xuiyoi. Bapon barapo watotha ucuboba xua jiwi ucubobatsi, pomonaе po irathe jinompe. Yawano bapon ajumeyapusya itorobi ewatsina jiwi. Yawano bapon daunweya yabara paebina jiwi xua penatsicuentsiwa xua abe peexanaexae, icha jiton ichi xua daunweya nataxu tsapabatouba uva cuei xua vino mera pia exanaetsi. Bapon bichocono atene cana exanaena pomonaetha pomonaе jopa pejume cowuntsiwichi, tsipei bichocono Nacom caseba barapomonaе. Barapon Nacom pia peayapusu itorobi coyenewan xeina xua jiwi peperaxa exanaewatsi. ¹⁶Bapon nawun tinaduta pia pejumlahaewatha, yawa nawun duta pethutotha xua po wun jeye: “Pon Corderoxae jiwi itorobiya pia pepa Peewatsinchi tatsi, pia peayapusu itorobi coyenewa xeina beyacaincha xua ichamonaе xeina pomonaе jiwi itorobiya pia pepa peewatsiwichi xua iru xeina pia peayapusu itorobi coyenewa. Matautano bapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonaе xeina pomonaе jiwi pia pepa pecanamataxeinaewichi”, jei barapo wun.

¹⁷Bapoxonae matatsunpin tan xua xometo coichatha uncua, bapon jume daunweya wawai peyapupunaewi beya xuan jinompa itabocotha, jeye: “Anetha xua painya nexaewa tsane Nacom pin pia penabanaewa. ¹⁸Barapo penabanaewan paxaema, xua pomonaе jiwi itorobiya pia pepa peewatsiwichi pewi, yawano soldadomonaе pia pentacaponaei tatsi barapomonaе pewi, yawa pomonaе peamanayabeibi jiwi barapomonaе pewi, yawa cawayu pewi, yawa pomonaе xua eneica pewi. Daxita xua iruru ichamonaeno barapomonaе pewi. Iru pomonaе penata exanaewi

pia coutha barapomonaē pewi, ichacuitha xua iru pomonaē amanaya petanacuichi jiwī barapomonaē pewi. Irūno pomonaē jiwī pebusi cui tatayebeibiwichi barapomonaē pewi, irūno pomonaē copei pexeinaewi barapomonaē pewi”, jei matatsunpin.

¹⁹Bapoxonaē tan pon ayei pon be Corei, yawano tan pomonaē jiwī itorobiya pia pepa peewatsiwichi xua baru pona pia soldadomonaēin. Daxita barapomonaē nacaetuta xua nantiya penabinexa tsane pontha pon pia soldadomonaē matacapona xuano yawa pia soldadomonaēintha tatsi petanabinexa tsainchi. ²⁰Barapon pon ayei, pon be Corei, bapon maxu cūbiya waetabatsi iru maxu cūbiya waetabatsi pon naerabiya jeye: “Xan Nacom peitorobi jume tapaēbin”, jei, pon xua petsita itutsi coyenewan exana xua pon be Corei taexanatsi xua pon be Joyoinya pia peayapusu itorobi coyenewatha tatsi. Barapo petsita itūbiwantha bapon jiwī muxuitorobatsi xua barapo jiwī peitapa tinaewa tsainchi barapon pon be Corei pewantha tatsi. Yawano jiwī itorobatsi xua wūnaē pejainchiwa tsane ibo Corei nacom. Barapon pon be Corei iruru pon xua naerabiya jeye: “Xan pon Nacom peitorobi jume tapaēbin”, jei baponbe Nacom cana exana xua itowa pexubiwa tsainchibe ichaxota isoto pucuatha. Barapo pucua ataya tsitecaeya taxuncua bichocono aitareyapusu tsuncuae po peitare pewun azufre matawun. ²¹Iruru daxita ichamonaeru jutebatsi cusitha, po watotha xua pecoibototha tapichapeinatsi pon xua matacapona pia soldadomonaē. Daxita pepupunaewi bichocono tonsana pewi xaexaetsi pomonaē xua jutebatsi.

Meje yabara po diwesi xua Cristo itorobiya ewatsina jiwī mil po weibetha

20 ¹Bapoxonaē tan matatsunpin xua peitaboco wetsica pona, bapon catatsi po coyenetha xua itacupatsi xua pecoibo saranaxubiwa tsane barapo pin muthu deca xua ira bereca. Yawa bapon capona pecobetha penainto, po penainto xua pewun cadena xua bichocono pin nainto. ²Barapo matatsunpin waetaba, pon be Joyoinya waetabatsi, pon po jomo xua poxonaē copiya jiwī muxu jainyabatsi. Bapon apara caurimonaē pia pentacaponaein tatsi. Bapon icha wun Satanás. Barapon Satanás maxu cūbiya waetabatsi cadenatha xua mil po weibe nexa. ³Yawano barapon Satanás xorecatsi barapo pin muthu deca. Bichocono yauxatababotatsi muthutha. Yaucateitababotatsino bichocono, xua jopa equeicha pemuxujainyabeibiwa tsane xua jopa equeicha pemuxujainyabeibiwa tsainchi po irathepiwi xua beya poxonaē abu yapu caewina mil po weibe. Bapoxonaē isanaxubinchi xua saya bara caeto tsane.

⁴Bapoxonaē tan xua pexeinya peenaethopeibiwan. Baxota ena pomonaē xua bayatha catsibatsi peitorobi coyenewan xua jiwī peyabara paēbiwa tsainchi daxita xua penatsicuentsiwa xua abe peexanaexae.

Bapomonae pomonae xua bayatha wisi ucubobebatsi xua ichamonae namawainta, apara xua barapomonae peyabara cueicueijeixae Nacom Pejume Diwesi, xua peyabara cueicueijeixaeno po coyene xua Jesús pejume cowuntsiwatsi. Barapomonae bayatha jopa wunae jainchiyo pon be Corei. Matautano jopa wunae jainchiyo barapo ibo Corei nacom. Matautano barapomonae jopa copatsiyo xua peitapa tinaewatsi tsainchi pon be Corei pia wuntha tatsi ichacuitha xua pecobe juma tinaewatsi. Barapomonae tan xua equeicha asu exainchi. Barapomonae iru Cristo, nabaru caemonae xua barapomonaebe barapo cae pin nacuepiwi itorobiya ewatatsi xua cien po weibetha tsane. ⁵Ichitha nama ichamonae pomonae xua caena bayatha werapa cataunxuae jopa asu exanaetsi. Barapomonae asu exanaeinchi beya abu poxonae yapu caewina mil po weibe. Barapo peasu coyenewa xua apara copiya nanta carucua xua copiya matha Nacom exana xua jiwu asu exaneibatsi petupaewa weya. ⁶iMaisa bichocono juntu coyene weiweina pomonae equeicha Nacom asu exana petupaewa coyene weya po peasu coyenewa xua copiya! Barapomonae Nacom piamonae tatsi. Barapomonae jopa werapae tsane poxonae equeicha jiwu caewa werapaena po jiwu jopa pejume cowuntsiwi. Saya barapomonae exanaeinchi Nacom pia sacerdotemonaepiwi tatsi xua iru Cristo pia sacerdotepiwi tatsi. Matautano barapomonae nabaru caemonae xua barapomonae barapo cae pin nacuepiwi itorobiya ewatatsi mil po weibetha tsane.

Meje yabara poxonae caurimonae pia pentacaponaein tatsi xotsi

⁷Poxonae yapu caewina mil po weibe bapoxonae barapo Satanás isanaxubinchi xua peponaewa tsane muthu weya. ⁸Poxonae bara weya pona jiwu muxujainyabinchi nawita daxita nacuantha. Yawano muxujainyabinchi nawita Gog nacuamonaepiwi, irano muxujainyabinchi nawita Magog nacuapiwi. Barapo Satanás cana exana xua barapo naxobe nacuapiwi penacaetutsiwa tsane pia soldadomonae tatsi xua penabinexa pomonaetha pomonae Nacom piamonae tatsi. Barapo naxobe nacuapiwi pomonae soldadomonaexae barapomonae bichocono pin bicheitonmonaein icha taetowa purun ichi xuan taetabotha bobena xuan acucu xua mar mentha bobena.

⁹Barapo pin bicheiton pomonae soldadomonaexae, pana beiyiya daxita yaira jupa beya poxonae yacaincha matawacaicha umeinchi ichaxota Nacom piamonae tatsi jinompa, yawano xua po tomarapiwi Nacom jume cowuntatsi. Ichitha bapoxonae Nacom pin isoto itoroba deca peitaboco wereca, daxita barapo soldadomonaein taxuatsi omeicha. ¹⁰Barapon Satanás, pon be Joyoinya, pon caurimonae pia pentacaponaein tatsi, pon xua barapo soldadomonaein muxujainyabatsi, bapon Nacom xuba isoto pucuatha, po pucuatha ichaxota ataya tsitecaeya taxuncua xua

bichocono aitareyapusu tsuncuae po peitare pewun azufre matawun. Barapo pucuatha caena bayatha xotsi pon be Corei iru pon xua naerabiya jeye: “Xan Nacom peitorobi jume tapaebin”, jei. Barapomonae baxota bichocono atene tsaibi tsane, mataqueitha yawa merawithano tsaibi tsane xua bara ataya tsane.

Meje yabara po diwesi xua Nacom yabara paeba jiwi xua penatsicuentsiwa poxona eca pia pexeinya ecaethopeibiwatha, po pexeinya ecaethopeibiwa xua pemainyawa

¹¹Bapoxonae tan xua pexeinya peecaethopeibiwa xua pemainyawa. Muxuna tan xua pon eca barapo pexeinya peecaethopeibiwatha. Bapon peitabaratha tan ira xua po ire yawa itaboco, baxua daxita aichurubena, equeicha jopa naittsiyo. ¹²Bapon Nacom peitabaratha tatsi umena pomonae xua caena bayatha werapa xua pomonae peacopeibi jiwi iruno pomonae copei pexeinae jiwi. Bapoxonae diboron patapenta, yawano pataxuba po diborotha ba nacapanenebiya tsaibi pomonae Nacom pia peantobewichi poxona wun tinadubatsi barapo diborotha. Pomonae xua caena bayatha werapa daxita itawetatsi. Barapomonae yabara cui jupiya exanatsi be po coyeneya bayatha abe exana xua barapo diborotha pecui yabara tinaexatsi xua poxonae barapomonae abe exana. Daxota barapomonae atene tsane. ¹³Barichi pomonae iru pin mar mentha notatsi, barapomonae Nacomtha pata. Iru pomonae iratha bobena ira wejjuina xua Nacomtha pepatsinexa. Daxita barapomonae Nacom peitabaratha tatsi umena xua baxota peyabara paebinexatsi xua Nacom yabara paebina xua penatsicuentsiwa xua abe peexanaexae Nacomtha. Barapomonae atene exanaeinchi xua Nacom bayatha pecui yabara tinaexae po coyene xua abe exana. ¹⁴Nacom cana exana po coyenewa xua jiwi tupa pecana exanaewatsi, xua barapo coyenewa isoto pucuatha xotsi xua nacaewita cana exanatsi. Barichi Nacom cana exana xua po nacua pomonae pewerapeibiwi pia nacua tatsi xua barapo nacua xotsi isoto pucuatha xua nacaewita cana exanatsi po pucuatha ichaxota ataya tsitecaeya taxuncua. Barapo petupae coyenewa apara xua jiwi caewa werapaena po jiwi jopa pejume cowuntsiwi. ¹⁵Iru ru pomonae xua jopa wun dubenaeyo barapo diborotha po diborotha ba jiwi nacapanenebiya tsaibi poxona wun dubeibatsi, barapomonae iru barapo isoto pucuatha bebaichi, Nacom bebai.

Meje yabara po diwesi xua pena itaboco yawa xua pena ira

21 ¹Bapoxonae tan pena itaboco yawano pena irano, tsipei po itaboco copiya ducua yawa po ira copiya ducua aichurubena, equeicha jopa naittsiyo. Yawano pin mar mene aichurucuae. ²Xan, pon Juan tsocuaein, tan Nacom pia pepa pexeinya tomara tatsi ichaxota

jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. Barapo tomara nacui xaxainchiya weta, icha yabũyo ichi xua poxonae nacui xaxainchiya weta xua poxonae pecotsiwa peru nacoyobina. ³Jume tan pejume xua peitaboco wetsica jume daunweya jeye: “Taema anoxuae Nacom popona pebiwitha. Nacom baru poponaena, bara barapomonae Nacom pijimonae tatsi tsane. Nacom ataya tsitecaeya baru poponaena barapomonae penacana exanaexae xua piamonae tatsi pia Nacom tatsi. ⁴Barapomonae Nacom itacuere mene canotsina xua pewecoyeixa, xua barapomonae equeicha jopa peatenewa tsane. Equeicha jiwi jopa werapae tsane barapo petũpae coyenewatha. Mataũtano jopa pewecoyeinexa tsane, tsipei xua xuan copiya exana po irathe bayatha aichurucuaeya nacaewita”, jei po jume xua itaboco wetsica paeba.

⁵Bapon Nacom pon eca pia pexeinya peecaethopaewatha nejei: “Taema daxita exanan xua xuan penawan”, nejei Nacom. Equeicha nejei: “Baxuan tinare, tsipei barapo jumein pexainyei jumein, daxota ichamonae itacũpatsi xua tana neyabara jume cowũntsiwa xua bara exanaein pocotsiwa xua taneme”, nejei Nacom.

⁶Bapoxonae equeicha nejei: “Bara baxuan bayatha nacui weta. Xan ponxaein apara ataya tsitecaeya tapoponaein xua poxonae aena daxita tamropata pitaban. Mataũtano bexano ataya tsitecaeya bara tapoponaewa tsane. Po pebin xua bichocono meratsipa xua daxota bara amanaya mera neapatsiwa barapo coyenewa icha be ichin poxonae jiwi yawenan. Pon xua bejũntũ coyene jichatsi xua ajũntũcoyeneyapusũ peexanaewatsi bara bapon amanaya catsin peajũntũcoyeneyapusũwa, po peajũntũcoyeneyapusũwa xua ataya tsiteca. ⁷Pon xua jũntũ coyene amanayaba caurimonae poxonae caurimonae bequein abe exana bapontha, bapon xeinaena pocotsiwa be pentoma pocotsiwa xua bayatha jũntana jeban bapon. Barapon pia Nacom tatsin tsane yawa barapon apara bara taxanto tsane. ⁸Ichitha pomonae pijunuwi jopa nejume cowũntsiyo xua ichamonae abe peexanaewa tsane barapomonaetha irũrũ pomonae jopa benejume cowũntsiyo, irũrũ pomonae peajũntũcoyenebewi, irũrũ pomonae jiwi pejutebiwi, irũrũ pomonae xua penasi cui exanaewi xua peweiweinaewa, irũrũ pomonae mara pexeinaewi irũrũ pomonae wũnae pejainchiwi ibo nacom, irũno pomonae naerabiya pepaebiwi, daxita barapomonae bebai tsainchi isoto pucuatha po pucuatha ichaxota ataya tsitecaeya taxuncua xua bichocono aitareyapusũ tsuncuae po peitare pewũn azufre matawũn. Barapo petũpae coyenewa apara xua poxonae equeicha jiwi caewa werapaena pomonae pejume cowũntsiwi”, jei Nacom pon eca pia pexeinya peecaethopaewatha.

Meje yabara po diwesi xua pena Jerusalén tomara

⁹Bapoxonae matatsunpin patopa pon xua siete poyobe jiwana, po siete poyobe matatsunpiwi xua xeina coroton siete xoyobe xua wunba peabe cuiru coyenewan xua bara nama opi ducua pocotsiwa Nacom exanaena. Bapon nejei: “Anetha catsita itutsinchi Cordero pecotsiwa tatsi xua bara yatsicaya piowa tatsi”, jei matatsunpin. ¹⁰Tananetsita itutswatha xua poxonae Nacom pia Pejumo pe tunaxu tatsi netsita ituta bapoxonae matatsunpin necapona pin demxuwa beya po demxuwa xua bichocono taucha. Yawano baxotiya matatsunpin netsita ituta Nacom pia pepa pexeinya tomara tatsi ichaxota jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica.

¹¹Barapo tomara bichocono wunae xua pentha exanuncia Nacom pia pexeinya itupanae coicha tatsi, tsipei Nacom baxota popona. Barapo pepentha tsuncuae coichawa bichocono daedaena icha iboto ichi xua po iboto itupana po iboto ira buxupana iboto. Bara pocotsi itupanae iboto jasje matawun, po iboto xua epa nasaba. ¹²Barapo Jerusalén tomara yacaincha matawacaichiya uncuatsi xua pocotsiwa be curara xua u ibo xua bichocono amuxuburutiya xuanu xua bichocono taucha. Yawano xeina doce po coibotobe. Daxita barapo coibotontha tsiniya umena matatsunpiwi, xua be caein tsiniya. Barapo coibotontha tsitsiniya wun dudubenapoinya Israel pia pemomoxi susato bicheiton tatsi. ¹³Matautano acoibi po coibotobe ducua ichaxota pocotsiwa xometo weecoina. Icha acoibi coibotobe ducua ichaxota pocotsiwa xometo bejopiya. Yawano epatauta dena ainya acoibibe po coibotobe nantiya ducua. ¹⁴Yawano barapo curaratha ira wetsina umena iboton. Barapo iboton doce po ibotonbe xua barapo ibotontha tsiniya wun dubena pewunxi xua doce poyobe pomonae Cordero pia peitorobi jiji tatsi.

¹⁵Barapo matatsunpin, po matatsunpin netsipaeba, bapon capatopa pocotsiwa xua pecacanaubiwa xua be naewa xua oro nainto peepa canaubinexa tomara yawa pecoiboton yawa curara. ¹⁶Tomara nantiya namuxuburu jupabe xua apiya dena. Barapo matatsunpin epa canubarena barapo tomara dos mil doscientos po kilómetrobe xeina xua apiya dena yawa xua taucha xua asiyeicha daxita baxuan nantiya naepa jupa. ¹⁷Bapoxonae epa canaba curara muxuburu sesenta y cinco po metrobe xeina xua pemuxuburu xua aitiyu. Baxuan matatsunpin exana be jiji pia pecanaubiya coyenewa tatsi.

¹⁸Curara iboton u xuan pexeinya iboton, xua ira buxupana iboton xuan jasje matawun. Tomara acaba u xuan pocotsiwan oro matawun be xuan peepa nasabiwan. ¹⁹Po iboton ira weumeina xua doce po ibotonbe, daxita mata pepena xua mata wunae exana icha be iboton ichi pocotsi

iboton ainya matoman. Po iboto copiya barapo iboto mata pepena xua jaspe iboton matawun. Po iboto ichaxota ba “dos”, jei, barapo iboto mata pepena xua zafiro ibo matawun. Po iboto ichaxota ba “tres”, jei, barapo iboto mata pepena ágata ibo matawun. Po iboto ichaxota ba “cuatro”, jei, barapo iboto mata pepena esmeralda ibo matawun. ²⁰Po iboto ichaxota ba “cinco”, jei, barapo iboto mata pepena ónice ibo matawun. Po iboto ichaxota ba “seis”, jei, barapo iboto mata pepena cornalina ibo matawun. Po iboto ichaxota ba “siete”, jei, barapo iboto mata pepena crisólito ibo matawun. Po iboto ichaxota ba “ocho”, jei, barapo iboto mata pepena berilo ibo matawun. Po iboto ichaxota ba “nueve”, jei, barapo iboto mata pepena topacio ibo matawun. Po iboto ichaxota ba “diez”, jei, barapo iboto mata pepena crisoprasa ibo matawun. Po iboto ichaxota ba “once”, jei, barapo iboto mata pepena jacinto ibo matawun. Po iboto ichaxota ba “doce”, jei, barapo iboto mata pepena amatista ibo matawun. ²¹Barapo doce po boupanbe exana ɯ xuan be perla matawun xua daxita barompaya peboupan tsiniya. Barapo pepa namto xua tomaratha exana ɯ pocotsiwa xua xuan be oro nainton xua xuan peepa nasabiwan poxoru xua be pepa oro nainton.

²²Barapo tomaratha jopa taeinyo Nacom pin pia bo tatsi tsipei bara Nacom baxota pepoponaexae po Nacom daxita pia peayapusu itorobi coyenewan xeina. Iruru xua baxota pepoponaexae Cordero daxota jopa nantawenonaeyo Nacom pin pia bo tatsi. ²³Barapo tomara jopa nantawenonaeyo xometo xua tomara pentha peexanaewa tsane yawano xua jomocoichatono, tsipei Nacom baxota popona peyacoicha jinaexae xua barompaya pia pexeinya pecoichaxae tatsi, xuano iruru xeina Cordero barapo coicha. ²⁴Pomona xua bayatha Nacom capanenebiya, barapomona barapo coichatha ponaena barapo tomaratha po coicha Nacom pia coicha. Daxita pomona jiji itorobiya pia pepa peewatsiwichi barapomona Nacom catsibinchi barapo tomaratha po coyene xua Nacom wuna pejainchiwatsi po coyene xua tsita exanatsi xua bayatha jiji tsita exana barapomonaetha. ²⁵Peboupan jopa bapana coibo xatababanobi mataqueitha, xua baxota jopa ataya tsitecaeya pequirei tsaibi tsouneibixae. ²⁶Daxita nacuanpiwi Nacom capona barapo tomaratha xua Nacom pecatsibiwa tsainchi pocotsiwan pewunaewan xua be copei. Matautano Nacom catatsi po coyene xua Nacom wuna pejainchiwatsi. ²⁷Ichitha xua xuan peabe coyenein bapana jopa patsi tsane barapo tomaratha. Matautano jopa patsi tsane baxota pomona abe peexanaewi iruru pomona pemuxuitorobiwi. Saya meisa patsina baxota pomona wun dubena po diborotha ba jiji nacapanenebiya tsaibi poxona wun dubeibatsi baxota, xua po diboro xeina Cordero.

22 ¹Nexata matatsunpin netsita ituta mene, po mene xua mene itarana, po mene xua jiji axumerasu exanatsi, xua icha

Nacom ichi xua jiwi ajuntucoyenyapusu exanatsi. Barapo mene bichocono mene itarana icha bosibu ichi xua epa nasaba, baxua xua Nacom pia pexeinya peecaethopeibiwa werena pona, yawano xua Cordero pia pexeinya peecaethopeibiwa tatsi werena pona. ²Barapo mene, mene ducuponarena pepa namto dena tomaratha. Barapo mene dena nantiya ainya muxunene denabe naein xuwa xua po naein jiwi ajuntucoyenyapusu exainchi. Barapo naein nacoiteiba doce po cuiyobe xua cae weitha. Daxita xometontha nawetouneiba. Barapo naein noxuton jiwi yawenatsi xua jantema pejinompaewa xua jopa peatenewa. ³Barapo tomaratha jopa xeinae tsane xua peabe coyenein. Barapo tomaratha uncuaena Nacom pia pexeinya peecaethopeibiwa tatsi iru baxota uncuaena Cordero pia pexeinya peecaethopeibiwa tatsi. Pomona Nacom pia petanacuichiwichixaetsi barapo tomaratha barapomona Nacom wuna jainchinchí. ⁴Bapoxonae jiwi Nacom itabara taeya cueicueije tsainchi. Barapomona peitapatha cainompaena Nacom pewan tatsi. ⁵Barapo tomaratha ataya tsitecaeya jopa quirei tsounae tsabi tsane. Pomona baxota jinompa jopa nantawenonae tsane pecoicha xua lámpara coicha xuano xua xometo coichano. Daxota jopa nantawenonaeyo tsipei Nacom pon jiwi Pecanamataxeinaein baxota popona, barompaya pia pecoicha peyacoicha jinaexae xua pia pepontha. Iru pomona baxota jinompa jiwi itorobiya ewatsinchi xua ataya tsitecaeya tsane.

**Meje yabara po diwesi xua Jesucristo poxonae
patopeicaena xua imoxoyo bara nama**

⁶Bapoxonae equeicha matatsunpin nejei: “Barapo jumein pexainyei jumein. Daxota ichamonae itacupatsi xua tana neyabara jume cowuntsiwa xua bara exanaein pocotsiwa xua taneme. Pon jiwi Pecanamataxeinaein bapon Nacom itoroba pia Pejumo pe tuxu tatsi xua jiwi peyawenaewa tsainchi xua poxonae jiwi cueicueije Nacom nexa. Yawano Nacom itoroba pia matatsunpin xua petsita itutsinexa pomona pia penacajume caitorobi diwesi tatsi petacueicueijeichiwichi xua barapo matatsunpin barapomona yabara petsipaebinexatsi po coyene Nacom imoxoyo exanaenaba”, nejei.

⁷Equeicha matatsunpin nejei xua saya Jesús tapaebatsi, jeye: “iBara nama imoxoyo patopeican! iJuntu coyene weiweinaena pon xua exana xuan pocotsiwan Nacom ichichipa xuan pocotsiwan paeba po diborothel” jei barapo matatsunpin xua Jesús tapaebatsi.

⁸Xan, pon Juan tsocuaein, tan daxita baxuan yawano jume tan. Poxonae bayatha jume tan, yawa xua bayatha tan xua pocotsiwan matatsunpin netsita ituta, bapoxonae bapon petaxutha irabe taeuncuarecan xua wuna tajainchinexa bapon. ⁹Ichitha bapon nejei: “iBara! Jopa baxua neexanaeinde. Aparaxan ponxaein taexanaein Nacom

piawa tatsi, icha xam ichim yawa icha pomonae jinya jiwimonae ichi, pomonae Nacom peitorobi jume pepaebiwi, iruno pomonae xua jume cowanta dubenanaebiya daxita po coyenein xua po diborothe tinan. Jame Nacom bapon wunaе jainde”, nejei matatsunpin.

¹⁰Yawano nejei: “Jopa moya yawun xeinaeinde Nacom Pejume Diwesi, xua xuan pocotsiwan paeba po diborothe. Tsipei imoxoyo nama Nacom exanaena xua pocotsiwan po diborothe pepaebixae. ¹¹Poxonae cataunxuae Nacom jopa wetsiyo, pon xua abe peexanaein, bu moya bara abe exana ducuaaebiya. Iru pon xua nanthu coyene xeina peacuirucoyenebewan, bu moya bara baxuan nanta xeina ducuaaebiyaena. Ichitha pon wunaе exana Nacom nexa, bu moya exana ducuaaebiya. Pon xua Nacom petsita naexanaewatsi xua penthuthu xeicaein penaexanaewa, bu moya bara Nacom jume cowanta ducuaaebiyatsi”, nejei.

¹²Bapoxonae Jesús jeye: “Aa, bara nama imoxoyo patopeicaein. Capatopeicaein pocotsiwan be pentoman, xua caeintha barompaya piawan catsibin. Pon xua nawita inta exana xuya nawita catsin. Pon xua be conotha inta exana xuya be conotha catsin. ¹³Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Jesús.

¹⁴Juntu coyene weiweinaena pomonae najuntu coyene cui barapenta peabe coyenewan. Baxuan be poxonae barapomonae pia paparuwan matanaca xua jopa tsoreiyo. Bapoxonae barapomonae itacupaeinchi xua jojoniyaena tomara coiboto iya tsipei pia paparuwan inyapana yawa juntu coyene wunaе. Yawa barapomonae itacupaeinchi xua tomaratha iya xaena po pethei pexaewa, po pethei jiwi ajuntucoyenesu exainchi. ¹⁵Ichitha nama aisowatha xua tomara jumatha umenaena pomonae peajuntucuirucoyenebewi iruru pomonae mara pexeinaewi. Yawano pesatotha umena pomonae penata siwa xeinaewi yabuxitha, iruno pomonae jiwi pejutewiwino, iruno pomonae ibo nacom wunaе pejainchiwi. Daxitano pomonae becu jichatsi xua naerabiya pepaebiwi xua naerabiya exanano, barapomonae pesatotha umenaena.

¹⁶Equeicha Jesús nejei: “Xan, pon Jesús, itoroban tamatatsunpin xua daxita baxuan pepaebinexa pomonaetha pomonae pejume cowantsiwi. Xan bara yatsicaya David pia pemomoxi susato jiwi jiwana pin tatsin, pon David Israel nacuapiwi itorobiya pia pepa peewatsinchi tatsi. Icha be jarawato ichi poto xua bichocono wunaе xua poto baya ecoina poxonae icha matabi patopa, xan barichin. Patopan tacapatopaenexa jiwitha po coyene xua bichocono wunaе po coyene xua Nacom tsiexana, xua jiwi tsiexanatsi”, nejei Jesús.

¹⁷Nacom pia Pejumope tunaxu tatsi, iru Cordero pia pecotsiwa tatsi, pomonae Nacom pia pejume cowantsiwichixaetsi, jeye Jesthath:

“Anetha”, jei Nacom pia Pejumope tunaxu tatsi iru Cordero pia pecotsiwa tatsi. Pomonae xua iruru jume tane, jeye: “Anetha”, jei. “Xan Juan paeaban pon xua meratsipa yawa beapaena, moya antha, bu apa po mera jiwi ajuntuyapusu exainchi xua saya amanya nexa”, jan.

¹⁸Daxita pomonae xua jume tane barapo diwesi xua Nacom Pejume Diwesi xua barapo diborothe tinan barapomonae tsipaeban, meje baxue: Icha ichun mataropeicha paeba icha diwesi xua jopa xainyeyo xua po diwesithe, bapoxonae bapontha Nacom itorobina peabe coyenewan be pocotsi coyene cuirun yabara caunuta po diborothe. ¹⁹Icha ichun jiwana jume wexuba xua po diborothe paeba, xuya Nacom pia diborothe wun xubina, po diborothe jiwi nacapanenebiya tsaibi poxonae wun dubeibatsi baxota. Yawano Nacom jopa copatsiyo xua bapon pepatopaewa Nacom pia pepa pexeinya tomaratha tatsi po tomara pena tomara ichaxota jinompa pomonae peantobewichi Nacom. Barapo pecapanenebiya coyenewa iru barapo tomarano barapo diborothe yabara tina.

²⁰Jesús pon pia matatsunpin peitorobixae xua barapo matatsunpin yabara tana netsipaebiwa pocotsiwa xua bexa exanaena, bapon nejei: “Aa, bara nama imoxoyo patopeicaein”, jei.

Je, moya anetha patopeinca xam, Jesús, ponxaem Tanecanamataxeinaem, jan.

²¹Jesucristo, pon jiwi Pecanamataxeinaein, barabu paca yawenaena pia painya nepaca caantobexae daxita paxam. Je bara ichi tsane.

Baja Juan.